

近代中國史料叢刊續編第九十八輯  
沈雲龍主編

粵閩巡視紀略

杜臻撰

文海出版社

有限公司

印行

粵閩巡視紀略

近代中國史料叢刊續編 第九十八輯

目錄

粵閩巡視紀略一	杜	臻撰
粵閩巡視紀略二	杜	臻撰
粵閩巡視紀略三	杜	臻撰
內自訟齋文選	周	凱著
斯未信齋雜錄	徐宗幹	著
板橋集(詩鈔)	鄭	燮著
板橋集(詞鈔·家書)	鄭	燮著
金冬心先生詩集	金	農著
袖海樓雜著	黃汝成	著
袖海樓雜著	黃汝成	著
杭城辛酉紀事詩原藁	東郭子	著
古槐書屋詞	俞銘衡	著

閩粵巡視紀畧

孔氏嶽雪樓影鈔本

提要

案閩粵巡視紀畧六卷

國朝杜臻撰臻字肇余秀水人順治戊戌進士官至禮部尚書康熙二十二年臺灣既平諸逆殄滅沿海人民皆安堵復業臻時為工部尚書奉

詔與內閣學士石柱往閩粵撫視畫定疆理以十一月啟程二十三年五月竣事因述其所經理大畧為此書首沿海總圖次粵畧三卷次閩畧三卷次附紀臺灣澎湖合為一卷蓋巡視歷由廣達閩故以

為先後之序臺灣則未經親歷其地第據咨訪所得者錄之故附於編末也書中排日記載凡沿海形勢及營伍制度兵數多寡縷列甚詳於諸洋列戍控置事宜俱得其要領其山水古蹟及前人題咏間為考證亦可以資博覽蓋據所目見言之與撫拾輿記者固異也

序

昔唐虞之朝四岳佐之分命帝臣周游八極內別五方  
之山外分八方之海紀其舟車人跡之罕至撰水土草  
木禽獸昆蟲之所止及海外絕域殊類之人方名詭物  
之所書伯益作山海經洵奇觀矣下此唐蒙莊跨之屬  
尚載舊聞長卿陸賈之傳猶稱前史先生粵閩之使烏  
可以無紀

今天下之大幅員數萬里東南直跨彭湖西北已踰瀚  
海舞干羽於兩階奏簫韶於九成可云極盛雖然論瀚  
海之境西北為遠東西為近綜沿海之地江浙為緩粵

閩為急何以言之昔趙王佗之攻粵秦稱一尉路博德  
之麾兵漢建七郡二守增於元封兩州刺史黃武合浦  
珠屏銅柱丹徼北粵海郡縣之制也若七閩之郡古會  
稽古縣之半耳以其時地虛山谷人徙江淮自侯官都  
尉漢分兩郡泉汀福建唐列四州此州海郡縣之制也  
當其始沿邊列郡遞經遷徙金廈兩門游踪不絕沃洲  
之民疲于奔命矣迨後三方削平鎮戍興復抱圖歸丞  
相之府銜壁繫中軍之營昔光武有云征伐非必遠戰  
掠地在平定安集之耳今

聖天子廟算於上以賢大臣如先生巡視其地於以綏

靖邊疆厥功偉矣當此之時為茲役者有三難焉有五  
利焉閩嶠崎嶇嶺表煙瘴深林密菁窮谷易入飛艎舳  
艫海洋為藪不放之歸思則羈縻無方枘棘良田虺蛇  
室內此一難也豪強之名勢將侵冒返壁無踪還珠奚  
術此一難也以勢論之閩急於粵臺灣一郡附閩不附  
粵也招徠勸墾二事並集先其所緩後其所急此一難  
也若夫察頻海之地以還民寇無藉焉其利一也邊烽  
不驚緣海列營民狎其野穡人成功其利二也山澤弛  
禁魚鹽是業貴貧易土土可買焉其利三也漳浦暴門  
遙通市舶使西賁浮玉南琛沒羽其利四也鑒於唐虞



而命山川別水土任土作貢類族辨物俾厥田上上厥  
土中上其利五也以茲五易易彼三難此一役也乃可  
以濟昔六詔遺蒙割哀牢之故窟羅施鬼國走婦人于  
深宮滇黔之設有自來矣若天吳之域洪波巨浸海童  
之區潮風來往縣郡所列古未曾有先生之功則干疆  
于理至於南海摘詞則本爾雅水經注諸書記事則可  
作島夷職方之志豈止夫蝦鬚九尺海人三寸水壩獲  
長臂之衣殊方有懸乳之頸哉昔元帝之罷珠崖宋皇  
之畫玉斧漢武嘗偏棄造陽勝國亦終遺交趾今之邊  
陲邁遠古矣是以封之金繩裝之酸棗固亦虞書之別

錄禹貢之外編先生前代牧之十六衛罪言何足傳矣  
濟南田雯撰

國家遷海之舉未雨綢繆絕逋逃之姦禁闌出闌入之  
狡啟蓋深鑒夫孫思盧循之亂以及嘉靖中王直諸人  
之引寇防危慮患法至善也惟是海壖諸境綿亘幾數  
千里在朝廷賦額固不靳錙銖而自遷界之後從來沃  
壤境為甌脫民亡舟鮫魚鹽耕穫之利失業業者且數十  
萬家會

天子神靈威行絕域海寇遊魂皆匍匐蟻伏歸命京師  
于是鯨波鱷浪盡屬安瀾

上乃重念海濱赤子亟思還定而安集之爰遣重臣往  
借彼土大吏一切招徠撫綏便宜從事而今大司馬吾  
鄉杜公時以少宰晉司空實受命蒞粵閩之區公以康  
熙二十二年臘月自都啟行跋履迢遙踰越險阻于役  
之勞不遑宣處至明年五月而畢事歷時僅五六晦朔  
而往返且六七千里用以布宣

上意諮諏民隱蓋公勤以奉職廉以持躬勤則不濡滯  
干事廉則無屬望于人由是以十萬之師為一使之任  
孚於同官肅于僚屬不疾而速化馳若神夫豈偶然致  
之者哉今讀我公巡視紀畧一書知公所實心從事者

首在察地還民益示

聖天子加惠元元之本指以廣 皇仁也次則移屯戍  
于界外不忘固圉也弛魚鹽之禁利民也酌番舶之通  
市兼柔遠也此公經濟之大者也若夫防城之地連交  
趾澎湖之道接中山畧門種落來自迤西紅毛部族鄰  
于呂宋公皆以誠意格之清操感之內益外戢遠至邇  
安使

聖朝漸被暨訖之化極於無垠猗歟休哉至其為書大  
而山川之經緯細而村井之臚列如瞭指掌如數家珍  
以及考摭典章發皇忠義闡幽微顯摛軼補亡在此書

為餘事而要皆可不朽于後世者也抑公是舉也安閩  
粵竇以安東南東南財賦之區海水羣飛斗牛芒彗天  
下之所係孰大於是後世讀是書者知公之功豈專在  
閩粵耶時康熙己卯仲夏予告通奉大夫內閣學士兼  
禮部侍郎加一級同里受業徐嘉炎謹撰

粵閩巡視紀畧卷一

工部尚書杜臻撰

皇帝既平三逆復命將討定海外威德所屆與天同際爰  
念海壖之民遭移未復分遣廷臣馳往安集之臣蔡與  
焉先是海寇鄭成功盤踞金門廈門諸島遊鯨入犯飄  
忽靡定瀕海諸省咸罹其患而粵閩為尤甚

皇上嗣服之歲廷臣建議以為當令瀕海之民移居內地  
民免鋒鏑之虞而寇無所掠勢將自困于是粵閩江浙  
諸鎮咸以次更置賊勢果絀降者接踵疆臣率衆討遂  
賊遂棄金門廈門竄遠島所謂臺灣者居亡何成功

死子錦代領其衆勢益弱造耿逆變叛始勾之入居漳  
泉

王師收閩寇衆仍通疆臣再修海備盡掃游氛而海壇金  
廈復寔戍兵矣于是降者又多無以處之康熙十九年  
六月福督姚啟聖上疏言投誠之衆率皆前日遷徙之  
民也若不給與俸餉無以安其身心欲給之則有限金  
錢不可為繼若令歸農又多無農可歸勢必復去而為  
盜以臣愚慮莫若將界外田地盡行給還方今海外要  
地已設提督總兵大臣重兵屯守是官兵在外而投誠  
在內夫復何慮且彼等樂得故土人人有安土重遷之

思即迫之為盜亦不可得矣故臣以為界外田土查有  
主還民之外應悉給投誠開墾疏上部議駁覆再三奉  
旨會議應俟設兵完畢之日請行

上可之啟聖又會同撫臣吳興祚提臣萬正色合詞保題  
其言曰星羅棋布漸見海波不揚正臣等遵

旨請開邊界之日也一開界則上可以增國賦下可以遂  
民生併可收魚鹽之利以餉新兵安投誠之心永無反  
側又可使臺灣之眾望風采歸疏上再議得奉照舊展  
界之

旨于是閩界稍稍開二十年 月科臣傅感丁奏曰伏見



福督臣姚啟聖請開邊界業奉

允行夫近寇之省莫若閩閩且得開他省遠寇者何不可  
開乞

勅各督撫將界外田地招徠舊遷之民及情愿墾荒者令  
其耕種三年之後起科部議下所司詳酌保題久之皆  
懇懇過慮無敢直任者二十二年五月將軍施琅進勸  
海寇克取澎湖島馳檄臺灣諭以順逆之理時鄭錦已  
死其子克塽率眾來歸請納土為郡縣而粵東督撫將  
軍保題疏適至于是兵部議請開界十月二十二日得  
旨江南浙江福建廣東沿海田地應給民耕種其緊要地

方仍應作何防守等項事宜着部院堂官前往會同該督撫詳察確議具奏戶部列諸臣名以上工部侍郎

臣金世鑑副都御史 臣呀思哈奉

命往江浙而臣臻及內閣學士臣石柱亦拜闕粵之

命是役也有當行之事四焉察瀕海之地以還民一也緣邊寨營烽堠向移內地者宜仍徙于外二也海壩之民以捕鮮煮鹽為業宜并弛其禁三也故事直隸天津衛山東登州府江南雲臺山浙江寧波府福建漳州府廣東興門各通市舶行費外洋以禁海暫阻應酌其可行與否四也 臣臻受命悚惕即日儆裝戒行心竊自念

皇上如天至仁迫欲見海墾之民及時耕耨今疾馳度嶺  
已將改歲待論定奏報得

旨而後行則農時已逾非所以奉宣

德意也幸偕行諸臣亦同此懷遂用綠頭牌啟奏請于會  
勘之日將勘明地畝隨時責令有司招民佃種其應設  
防守即時分設候一省事竣驛疏奏聞

上許之十一日戊寅陛辭

臣臻  
臣柱  
跪請

訓命

皇上熟思久之曰開界地畝務求原主授之宣諭督撫務  
俾得所臣等謹受命

皇上問勘視將先何省臣臻對曰將始廣東

皇上問何以不先福建臣臻對曰臣等先至廣東令彼處

百姓及時承墾庶不悞春耕之時

皇上曰獨不悞福建墾耶臣臻對曰福建督撫方安插投

誠未暇協理開墾臣等以其間先竣粵事次至閩省諸

臣已暇可以會商且閩土節候比粵稍近

皇上頷之又

諭曰將軍施琅諳悉海島凡事必與共議臣等拜受命

皇上又召致榻前諳諳誠諭曰汝二人朕所親簡當善體

朕意臣等又再拜受命而出

已卯啟行宿良鄉偕行者石學士柱主政殷持正郎張  
建績中翰尹達理筆帖式都登嚴子同年  
子民表也

壬午至河間府

甲申至德州

己丑至兗州府

辛卯至利國驛蓋已入江南界矣計行十有二日皆鷄  
鳴首途漏再下而止馬上口占有努力前驅頻計日只

因海畔蚤春耕之句

壬辰渡大河止徐州

丙申渡淮

丁酉晦過紅心驛行亂山中四十里

十二月戊戌朔發定遠

己亥至廬州府

辛丑過七里河止桐城蒼山萬疊松檜蕭森風景大異  
北地

壬寅過岡嶺二十餘涉溪澗亦十餘止潛山

甲辰至黃梅始入湖廣境

乙巳由孔壠驛渡江止九江府

丙午過五石門止德安縣峻阪斗絕登頓殊艱方即次  
而雷雨作幸免霖塗之苦

丁未止德興宿徐中書宅

戊申至章江安撫軍世鼎陳總戎平張潘伯所志署臬

查君培繼督學高君璜督糧鮑君啟率府屬共迎且具

舟以待

己酉揚帆早發乍釋羈勒之勞而遇此差足快意

庚戌止樟樹

辛亥止峽江山水迴濛頗似浙東嚴陵瀨是夕微雪

壬子止吉安府

癸丑止鹽溪凡四日皆順風

乙卯至萬安將上灘覓灘夫以行是地水勢湍急必用

健夫習水道者二人一持篙一挾舵宛轉石罅中方免  
傾欹撞擊之患是日幸假風力不覺其難行六十里止  
大王廟

丙辰亦行六十里上四灘止攸鎮

丁巳連上十灘虔郡諸生共迎于除灘廟張燈時次贛  
州自萬安抵贛二百四十里名灘十八餘小灘不可勝  
數懸水斗瀉亂石鋒矗舟尺寸失便利即不可知然勢  
益險而境益奇行人方以洞心駭目為快不暇震怖也  
城北即章貢合流處章自粵來貢自閩來交會于此郡  
名所自得也



戊午易茅蓬船止新塘

己未止南康山光秀潤村壠時有菜花如江南二月時  
庚申早發兩岸峭壁千仞江流百折將至南安距城五  
里許已二鼓矣有虎自山巔下直搏挽船卒挽船卒惶  
遽疾呼舟中人羣起和之僅乃獲免少頃張正郎至言  
虎又挈其儕偶狙伺山麓莫懼後曹挽卒舟人覺之連  
發四鳥鎗乃去

辛酉舍舟度嶺過所謂南越雄關者夾道皆短垣蓋少  
宗伯楊公爾茂祭告時所禁也蒼松列嶂間以平疇約  
九十里村民以竹籠盛大蝴蝶兩翅廣可尺餘五色絢

爛腹垂繡囊遺子大如鳧卵或言此蝶產于羅浮麻姑  
仙去時蛻裙所化云薄暮抵南雄登舟年友朱君介至  
二簋飲舟中宵分而別

癸亥泊蘇渡江

甲子過韶州府泊白兔

乙丑掛帆行三百里過英德泊江岸廉石諸峰玲瓏錯  
峙奇秀壁立

丙寅除夕抵迎恩亭泊舟分歲

二十三年正月丁卯日元旦即迎恩率諸臣行慶賀禮  
泊三水周儀部燦至自安南見于舟中

戊辰吳總制興祚李撫軍士楨郎藩伯廷樞胡臬憲戴

仁督糧蔣君伊提舉汪君兆璋率諸屬先後至先行請

安禮乃敢具賓主會議諸務是日出示招民先是

陛辭之日即已移咨兩省督撫述

皇上急欲小民歸業之意至是復刊示曉諭畧曰先因海

寇陸梁遊鯨出沒不時抄掠爾等

皇上為爾等身家計權移內以避賊鋒今邀

皇上威靈蕩平海外克孽永除尤科臣奏請特遣大臣勘

明地界給還原主或有原主已亡無從查覓者聽情急

墾荒之人量力承種總俟三年起科

皇上愛民至仁爾等固當曲體卽爾等自今承佃之後子孫世世享有先業關係亦復非輕爾等當聞命響應勿有瞻顧示下萬衆雖呼繼以泣下因命飛遞各屬務使周知次與諸臣定議勘界程途當始于欽州之防城

按粵省介在荒服控帶峒獠而防海為尤要秦命南海尉任囂築城龍口此置戍之始也漢設交州刺史治南海唐置嶺南五管經畧招討使宋以京官充嶺南道經畧安撫使元置廣東道宣慰使司兵制損益代有不同明太祖洪武二年命平章廖永忠參政朱亮祖取廣東遂命亮祖鎮守建置衛所分布要害其

沿海者曰潮州衛轄大城蓬州海門靖海四所曰碣石衛轄甲子門捷勝海豐平海四所曰南海衛轄大鵬東莞二所曰廣海衛轄香山新會海朗三所曰肇慶衛轄陽江所曰神電衛轄陽春雙魚寧川三所曰雷州衛轄石城錦囊海安海康樂民五所曰廉州衛轄永安欽州二所衛設指揮等官所設鎮撫千戶等官分領旗軍設屯田以贍之星羅戍守又多建墩烽一傳百應為常山率然之勢頗稱嚴整正統間因黃蕭養寇亂設總兵于蒼梧制兩省嘉靖間倭寇犯邊始專鎮于東粵又設雷廉參將一駐雷州水營參將

駐南頭萬厝初又設惠潮參將各一白鶴水營參將一  
潤洲水營遊擊一柘林碣石虎頭門廣海北津白鶴  
六水營守備各一于是旗軍而外復有城守之民壯  
斥堠之表加以水哨之遊巡大將居中操臂指之權  
守甚密矣其防汛之境畧分三路高雷廉三郡斗入  
海中西界欽州控連交趾雜處羅旁南面巨海縮轂  
瓊山而占城暹羅滿刺諸蕃環匝于外益省會之西  
蔽也其地以神電雷州廉州三衛十一所為邊白鶴  
潤洲兩水營游徼于外是為西路廣州帶三江阻重  
海崖門虎門夾屹左右屹為莞鑰前山巖門蕃舶所

集南頭控其東陽江介其西實全省之中權也其地以肇慶廣海南海三衛六所為邊虎頭門廣海北津三營游徼于外而南頭一鎮總挈之是為中路惠潮兩郡界連閩省漳船通番道所必經南澳介處兩省之間伏莽蟠互全恃兩府之彈壓又省會東偏一要汛也其地以潮州碣石兩衛八所為邊柘林碣石兩水營游徼于外是為東路三路各統于本管之參將而兼轄于兩總戎瓊州孤懸海外自為一鎮此明代設兵之大較也 國初山海未靖順治七年特置兩藩重兵駐守防海之籌視前加密省會設提督潮州

碣石高州各設總兵惠州雷州各設副將廉州設參將各縣衛所要地並設游守分防盡罷衛所積軍屯租領于縣官兵皆隸于各協制度一變康熙元年副都統覺羅科爾坤奉

旨行定海疆自閩界一分水關西抵防城接于西粵畫界三千七百里外戍兵移之內地于是大城甲子捷勝海朗海安海康永安樂民諸所柘林黃岡澗洲諸游汛皆棄不守更于內隘分設汛防其餘邊界五里一墩十里一臺墩置五兵臺至六兵禁民外出情勢又復一變八年展界議以海邊為界修復廢毀諸營聽



民出田界外邊境稍拓然亦未能如舊至邊民之復業者尤寥寥僅見也今所守諸汛視八年所展之界又復不侔事經變亂文書散失不能詳定焉現設

欽州營遊擊一守備一千總三把總六國初額員兵一千

十三名

乾體營遊擊一守備一千總二把總四兵一千三百

六十六名國初無續設

廉州府總兵一遊擊二守備二千總四把總八兵一

千八百八十八名舊係參將康息元年改總兵領本鎮兵一千加募兵廿

千共三千名今減

高州府石城營守備一千總三把總五國初兵四百

名

雷州府副將一都司二守備二千總五把總八國初兵一千四百名

徐聞營守備一千總一把總二國初兵三百名

海安營遊擊一守備一千總二把總四國初兵一千

名

白鴿寨守備一千總一把總二設兵五百名

吳川營遊擊二守備一千總二把總四國初兵八百

四十名

高雷總兵一遊擊二守備二千總四把總八國初額

州兵一千八百九十一名

電白營遊擊一守備一千總二把總四國初兵八百

四十名

肇慶府春江營副將一都司一守備二千總四把總

八兵一千六百名國初無順治九年設陽高遊擊一

委官招復十七年即改為春江遊擊領兵一千康熙

三年加兵五百改泰將八年又加五百改副將

那扶營守備一千總一把總二國初兵四百名

廣海營遊擊一守備一千總二把總四兵九百六名

舊設參將一員兵一千名加提標四百名康熙

元年又加撫標六百名共二千名今改減

新會營遊擊一守備一千總四把總六國初設兼防會靈兵

一千三百名

香山營副將一都司二守備二千總五把總十兵二

千名順治四年設前山寨官兵五百員名康熙元年加兵五百改設參將駐防縣城三年又加兵一

千共二千名改設副將

順德營總兵一遊擊三千總六把總十二兵三千名

順德舊不設營康熙二年因周李二寇犯城而設十二年題定雖駐縣城兼南香山各縣巡緝沿海

龍門寨副將一都司二守備二千總四把總十兵二

千名原設參將一員兵一千名今改增

新安營遊擊一守備一千總二把總四兵七百八名

二月廿九日

二二

舊設守備一兵五百名康熙三年加五百名  
四年廣州左路總兵移鎮七年罷今改減

惠州府副將一都司二守備二千總四把總八國初

兵一千五百名

碣石衛總兵一遊擊三守備三千總七把總十四國初

額兵三十名

惠來營遊擊一守備一千總三把總六國初兵八百

名

海門營守備一千總一把總二舊撥都司今改兵四百

湖陽營遊擊一守備一千總二把總四舊設副將一都司二今改

兵一千名

達濠營副將一都司三守備三千總六把總十二兵

三千名

舊無因秋風南海寇邱鳳據達濠卑康熙十九年討平之添設

潮州府總兵一遊擊三守備三千總六把總十二國

額兵二千四百九十五名

澄海營副將一都司二守備二千總四把總八國初

兵一千六百名

黃岡營副將一都司二守備二千總四把總八國初

兵一千二百三十四名

凡為營二十八兵若干名于中抽調一萬四百七十

六名分緣邊諸汛候問定因奉

昔查閱先粵後閩故自西界防域始追遷而東焉

庚午至肇慶之松臺驛督標副將張銳火孔筆都司薛  
銓率叅遊等將甲士五千迎于道軍容甚盛松臺危石  
孤聳高一百餘仞廣六十餘丈下有石室高可五六丈容  
百人北向通明南有門可入左一竇持火入數十丈有  
龍井龍床龍磨角石右一竇亦用火入數十步石窗穿  
漏光熒熒下射前有浦名高星旁連七星巖曲折列峙  
如北斗中為石室巖東逾漚湖半里為屏風巖又一里  
為閭風巖石室西半為天柱巖一里為蟾蜍巖又一里  
為仙掌巖西北一里為阿坡巖延袤數十里漚水環下

讀唐李邕記有云叠花仰空的樂瓊脂宋陶翼記有云  
滴乳成柱凝蓋作蓋寫石室之勝最真自此舍舟

甲戌偕同事諸公俱西

乙亥至新興

丙子過佛子嶺奇峰聳兀登降顛煩止天堂

丁丑至陽春

戊寅渡潭滙那思二河

己卯至太平

庚辰至電白

辛巳行三十里溫泉峯有兩池廣輪數尺冬夏常熱居



二  
民用以給浣濯止三橋

壬午黎旦拜福建開墾疏并移咨閩省將軍督撫申陞  
辭時

天語也次高州戍卒士民迎候不絕于道訴訟如雲有言  
兵丁佔民產者下所司廉問餘皆拆去 國初高郡受  
兵最酷總戎官解卽爲秦王藩府也堂形如殿覆瓦志  
用琉璃迨始撤易加以祖逆盤踞井里蕭條極矣  
癸未高民失火燔燬廬舍六十餘區捐橐金十兩助之  
過洗夫人祠

洗夫人祠在郡東門外史稱洗氏高涼人世爲南越

首領洗氏幼賢明曉兵畧能拊循部衆每勸親族行善信義結于本鄉海南歸附者十餘峒羅州刺史馮融聞其名聘為其子高涼太守寶妻侯景叛梁廣州都督蕭勃徵兵援臺高州刺史李遷仕據大臯口遣使召寶洗氏曰刺史被召援臺乃稱有疾鑄兵聚衆而後喚君此必反也且無往寶從之已而遷仕果反洗氏詐為輸贖伏甲攻遷仕敗之懷集百越數州晏然士何寶卒陳永定二年其子僕年九歲遣首領朝于丹陽拜陽春郡守廣州刺史歐陽乾叛陳誘僕與俱洗氏曰吾矢忠貞迄今兩代豈敢輒負國家發

兵拒紇於衆遂潰僕以功封信都侯加平越中郎將  
石龍太守冊洗氏為太夫人至德中僕卒陳去嶺南  
人奉洗氏為主隋高祖遣總管韋洗安撫嶺外并遣  
人遺洗氏書以洗氏故獻陳主扶南犀杖為信洗氏  
見杖集首領痛哭遂迎恍未幾番禺人王仲宣反洗  
氏遣其孫盎討平之高祖拜盎高州刺史贈寶為譙  
國公先氏冊譙國夫人開募府置官屬皇后輟首飾  
賜之先氏盛以金篋歲陳之以示子孫曰此忠孝之  
報也仁壽初卒贈誠敬夫人隋末盎保嶺南其下請  
正南越王號不許武德五年歸唐授上柱國高州總

管封吳國公子智戴仕至左衛將軍惟嶺南介在荒  
服不能北向而從兵車之會但謹守疆索為天子保  
境土斯為良牧矣先氏系出峒族歸于將門當羣  
雄角逐之時處僻遠孤危之境乃能尊朝廷信信義  
見無禮于共主者則擊去之和其人民以待有德雖  
竇融錢俶何以加焉卒令馮氏安全延及五世一方  
蒙庇幾及百年以視夫沐猴冠帶妄覬非分殃民而  
卒以自亡者其得失豈可同日語哉南人德之飾祠  
表墓至今不絕有以也先氏墓在舊縣蓋墓或云在  
陽江東山下或云在電白馮家村馮家村又有蓋宅

手植枯椰子二株尚存

甲申止化州州署有兩橘實大如椽可以療疾庭有龍  
首石又有石在州後潛江中曰龍尾相傳龍首時有吼  
聲如鷄鳴蓋石龍孫以此

乙酉過菜竹堂琉璃菴止石城縣夾道灌樹叢生蟲鳴  
似秋而行旅揮汗

丙戌渡龍灣河宿清平營

戊子至廉州

己丑閱乾體營登八字山望海復返廉州而西地多瀘  
淖昏黑不可辨與騎行二十五里用土人為導躑躅林

箐中時時恍見獸鬼來攫人抵那暮塘宿

廉州至乾體十五里乾體至海四十里乾體村名屬  
合浦明地圖有乾體營兵防條不載蓋嘗有之而久  
廢矣元年界外八年疏中稱有乾體營不知何時而  
設

庚寅行六十里渡平銀河止一小牒而渡者甚眾爭先  
過重方半渡而舟沉溺者十餘人僕高大與焉鉤得已  
僵昇行三十里至欽州而復蘇吐白沫斗餘是日死者  
四人兩人屍不可得蓋為蛟蜃所噬矣止欽州登天涯

亭閩州治

辛卯石學士吳制院分閱龍門先別去予與李撫軍同  
詣防城登舟于鴻飛亭

欽州之水曰欽江在州治東源出洪牙山流經城東  
南以入于海州西二十里有漁洪江又十里鳳凰山  
州東三十里平銀江出博峩山南一百餘里防城江  
出仙隆山

天涯亭在州東門月城上

鴻飛亭在州東門遊漁洲上前知州林希元改東嶽  
廟為之取子瞻鴻飛那復辨東西之句以為名羣山  
遠拱頽稱勝槩

辛卯舟行十里至尖山嶺又十里至石灘又三十里出  
貓尾灣海口望亞公山黃陂門龍門七十二逕皆在巨  
浸中歷歷可辨其東則牙山斗出海外循海而西十五  
里至青鳩口成臺也故有守臺五卒虎噬其三二亦棄  
去臺隨圯矣又五里至長墩河口夾岸置砲臺無守者  
又行五十里至埔讀如淪塘自青鳩至此夾岸皆林木  
在山趾者多海欖潮至半浸水中在山顛者多鐵樞色  
白而葉細

壬辰曉起陸行萬木陰森猿啼不絕其音淒斷必以三  
聲為度憶唐張說欽州詩有饑狖啼相聚哀猿喘更飛



之句為低徊久之十五里至防城守備郝炳麟擁馬首  
流涕不已相與愴然聞昔逃虛者見似人而喜茲已絕  
域而覩使華其悲喜失序無足怪也然窮邊遠戍之苦  
益可念矣河西山麓廢壘巋然舊防城也尚有民居五  
家以隔水難于策應遂徙今砦樹棘為柵取具一時非  
久遠之規也舊城控制迤西必宜修復蓋昔以畫界故  
人踪希濶今流亡盡歸漁鹽稠沓久之當成雄鎮也正  
南十里為水營又南九十里為蓬羅臺西南四十里為  
漁洲坪正西四十里為三囊臺又西五十里為如首崗  
又西九十里為漸凜崗又西一百八十里為古森崗即

分茅嶺也更西即交趾矣西北為王光十萬大山口正北接廣西上思州界上思之西即交趾岐那隘防城正南江口有洲名曰三口浪土人謂浪一湧為一口相傳馬伏波下營于此浪三湧連發三矢射之皆平遂成此洲已刻復登舟由長墩內河行六十里至埔口有戍兵向在長墩因揚二亂徒此

欽州屬靈山一縣在州北內地止州治附海元年畫界自防城歷大鹿山等境石梅山那狼山三中山平山石家山那鹿山過河埔口嶺魚洪嶺方家村洪屋嶺望海嶺茶山嶺大木嶺十二嶺望州峯版橋峯江標嶺三羊嶺鷄背嶺小路林通嶺尖山嶺瓦冠嶺佛子嶺馬留山織籬圍山封田山至高嶺盡

大觀港為欽州邊邊界以外距海四十里者為織籬

圍封魚洪村三十里者為黃屋屯孔明村大植村二

十五里者瓦窰村鷄窩村二十里者根竹村墟埠村

舊關村胎募村洞晚村十里者長山村有貴坑村埠

頭村那畔村料連村及近海六七里以下至一二里

若嶺脚村等西察村南沙村竹根海尾村犀牛角村

窰村小榕桶村孔雀環村牧牛嶺村鷄墩村金鼓嘴

石鼓港鹿兒潭長墩關涌村白鷺村間落村青鴉埠

大頭村佛子村小鄧村大現村開元村西規村那落村江

那村佛子村小頭村茶村南港村芋蒙村  
白少芋村砂港欄埔村橫埠村蓮羅村冬瓜  
墟牛路村山心村魚洲坪白埠赤沙頭埠頭村  
并三年續遺共豁田地四百七十一頃有奇于埔口

諸處因界設守八年展界稍復舊邊今從欽州營撥

守防城各汛防城守備一兵一百八十名王光十萬

三十六村汛把總一兵四十名小董汛把總一兵八十名

尚把總一兵四十名三囊山口斯凜崗二十名如首

名水營二十名南港臺十名青鳩臺十名長墩河口

千總一兵四十名烏雷臺十名牙山臺十名牙山港

十名大觀港把總候閑定

按舊志地圖有防城而不列于鎮戍之數然疆域條

云南支地脈起于徼外入粵西思明上思二州叢起

為分茅嶺盡防城之曲折而南入靈山轉高涼至恩

平發為高雷廉瓊四府一州之境則防城一地實粵

南之維首山川條有防城江注云其水自防城入于

交阯永安河安南志載嘉靖二十年安南臣鄭松攻  
殺其主莫茂洽其族人莫敦讓來奔于防城蓋其來  
久矣兵衛條有黃土營注云舊防城營也在時羅都  
交阯界久廢萬厯間知州董延欽復建改名由是防  
城之名遂沒再考欽州之西控連交阯故有七崗曰  
時羅曰貼浪曰如昔曰漸凜曰羅浮一稱鑑山曰古  
森曰葛源一稱博是今防城舊建時羅而如昔漸凜  
並在鎮守之列羅浮舊亦設營去防城百里則防城  
為七崗故址無疑也崗主多黃姓相傳有青州人黃  
萬定者從馬新息征南有功留守邊境子孫世守七

尚唐德宗貞元十年尚賊黃少卿叛陷欽州元和間  
又有黃承慶黃少度黃昌權繼起裴行立陽旻討之  
不能定韓愈為祭酒上黃家賊事宜狀即其子孫也  
元世祖時以尚主黃世華討賊有功授為七尚長官  
至正二十二年尚主黃聖許反寇欽州時羅點浪七  
尚人民亡散殆盡明初參政朱亮祖定廣東以七尚  
人民不多革其長官諸尚長以此懷怨宣德二年漸  
凜尚長黃金廣糾合時羅尚黃子嬌了首尚長黃建  
古森尚長黃寬舉四尚一十九村二百七十戶叛附  
安南黎民官之為經畧使等官世襲以七尚地屬彼

國之萬寧州正統五年巡按御史朱鑑或云何善奉璽書

至時羅都之灘凌山揭榜招金廣等不至至今其地

名曰招遠山金廣死子進襲進死子無害襲無害死

子伯銀襲為奮畧將軍經畧僉事嘉靖十九年安南

國主莫登庸納款獻還四崗之地了葛羅浮收如昔

都漸凜古森收入貼浪都由是七崗并三都焉時羅

崗主獨禰姓相傳有禰純旺者從馬新息南征有功

留守欽邕二州為時休崗長永樂時失其世官其孫

禰貴成移守時羅明末交人猶喋喋以故士為言

天朝威德遠屆方外順軌然崗界之民猶有輸地賦于安

南納丁銀于本管者蓋竊靡不絕所由來也永樂初  
平交趾收其地為郡縣尚書黃福議曰交趾萬寧縣  
接雲屯海口并連欽州最為險要宜于欽州千戶所  
添軍立衛以備之英國公張輔復請設防城佛埔二  
水驛寧越埭淪二遞運所以通交趾之路因交南旋  
棄其議遂止嘉靖間廉州知府張岳言粵東入交之  
路自雷州冠頭嶺發舟順風一二日可抵交之海東  
府自欽州天進亭貓尾港歷烏雷海白龍尾玉門山  
抵交之萬寧州度可七站蓋時方用兵于交故議者  
復及此也然則防城一戍不惟控制海島抑且筦鑰



屬國備書之以為疆吏告焉

龍門江源出合浦之龍門嶺五十里有仙人橋溪中突起一石儼若巨舟長四丈濶半之南岸數石相連北岸石條橫架于上有巨人跡累累然橋南兩石人夾侍稍東又一石橋旁有石佛石船俗傳仙人撐石船引大廉小港北通石康至此聞鷄聲乃止一名石鷄橋又五十里為大廉山經欽州南六十里兩崖夾峙形勢若門而水深百尋大魚登此即化成龍不得過者曝腮點額血流入水恒如丹池流經埭淪周墩而達交趾龍門之前有鷄籠嶺又有巨石淡水出焉

名淡水灣門外羣山錯列海中所謂七十二逕也自  
欽州鴻飛亭十五里至佛子墩出海口又十里至黃  
陂門又十里過亞公山至龍門島中央平曠可立營  
砦為泊船操兵之地周圍七十二小山鱗次環繞每  
兩山中一沙逕水淺可通人行潮湧則舟入之故有  
七十二逕之名明世設蛋總一兵一百八名戰艦六  
常駐于此統于濶洲遊擊又于龍門江口之煙通嶺  
設營以相策應祖澤清叛時羣盜蜂起土人謝昌者  
據之為暴欽廉之境昌敗其部下楊二代領其眾阻  
險為窟官兵莫敢誰何協鎮蔡璋勒兵勦捕二力戰

自午迄日中不退璋勢頗窘跼伏舡艙中禱于天曰  
賊惡已稔天倘若殲之以除民患願假我東風一帆  
拜未起東風驟作一軍驩呼因縱火焚賊舟俱盡二  
乘走舸逸入交趾龍門遂虛茲與吳公議復守之

蛋戶

或作蛋戶

廣南惠潮皆有之編蓬瀕水而居謂之水

攔見水色則知有龍故又曰龍戶晉陶璜疏廣州南  
岸蠻蛋雜居昌黎詩馬人龍戶子瞻詩蠻煙蛋雨皆  
指此自唐以來計丁翰官明初隸河泊所歲收漁課  
其人多姓麥濮吳蘇河古以南蠻為蛇種觀蛋家神  
宮祀蛇可見廉州採珠多用之茲用為成長取其習

知海事也

欽州前世守禦可考者宋置二砦一曰鹿井砦在州西南控象鼻沙大水口入海通交州一曰三村砦在州東南控寶蛤灣海口東南轉雷州之遞角場又欽州西南有六水口曰譚家曰黃標曰藏埔曰西陽曰大灣曰大亭皆置兵守之古今地名不同未暇深考明設欽州所卽在州治內而黃土卽防城龍門二營其要地也又有平銀營卽渡口也又有白皮營在白皮村今訛土人云白皮場在牙山下牙山在州治東南九十里海中特起三山形如排牙故名萬曆三十六

年因變亂嘗設營于此意卽白皮營也西路又有羅浮營在防城外一百十里河洲村因道出彝界餽餉艱難又設思勒包冲二營于江平去防城九十里尋廢考如昔崗在思勒村今如昔戍蓋卽思勒置營處羅浮山名原名安京山隋嘗于此置安京縣唐廉州刺史寧純以其似惠州之羅浮遂改名焉劉鋹得古劍于欽州羅浮上有丁亥聖君識遂為宋太宗嗣統之兆卽此也並坑營在烏雷嶺距州南一百五十里海濱銅柱按黃佐舊志古蹟條在欽州西貼浪都古森崗漢伏波將軍馬援既平交趾立以表漢界上有

銘曰銅柱折交趾滅交人懼其折嘗投石以衛其趾  
曹學佺名勝志云分茅嶺有伏波銅柱在欽州西南  
二百里與交趾分界山頂生茅南北異向唐安南都  
護馬總亦建二銅柱于漢故處以自明伏波之裔明  
宣德二年地陷交趾嘉靖二十一年莫登庸降順復  
歸版圖二說相合銅柱在欽地無疑矣然林邑志云  
馬援植二銅柱于象林晉地理志注云象林即林邑與西鄰國分  
漢之南疆隋書大業元年劉方敗林邑經馬援銅柱  
南唐書南蠻傳林邑南大浦有五銅柱馬援所植依  
此則銅柱又在林邑今據漢書武帝始立交趾日南

九真郡光武帝建武十六年交阯女子徵側徵貳叛  
十八年馬援軍至浪泊上與徵側等戰大破之十九  
年馬援討賊至九真建銅柱于林邑界交阯平罷州  
牧設刺史漢交阯郡治在今安南富良江上九真郡  
治卽安南之清華府林邑卽今占城國也而銅柱又  
在其南其非欽州可知矣且援方當盛漢時交阯為  
漢郡而文其柱曰交阯滅此何以解也或者還軍之  
曰更作一柱以告友人若曰為亂者旣必及家族客  
或有之卽若是亦為誓誡之柱而非分疆矣新志云  
欽州之柱乃馬總所立斯為近理蓋此時交人漸不

內附也至于茅靡隨斜阪之勢無足為異當由丁部  
領之屬創為此說以愚其部人耳項斯詩云領得賣  
珠錢還歸銅柱邊看兒調小象打鼓試新船醉後眠神  
樹耕時語瘴煙不逢寒便老相問不知年蓋亦指馬  
總柱也

甲午陸行十里過楓門嶺又二十里至欽州峻阪斗絕  
舍輿而徒會大雨困甚

乙未行三十里再渡平銀令懲前失多縛筏以待坦然  
安流無復戒心又六十里至郡暮

丙申行六十里至烏家汛自欽至此皆山險更前悉平



坦矣又四十里至廉州登海角亭

二月丁酉朔行四十里至上窰又三十里至白龍城明時採珠內監所駐也有城四門內官署及巡道署廢址猶存于城之東隅皆蕩為墟莽城亦傾壞是夕宿于野四無人居張嵬以寢夜分有物至帳外勃窣作聲披帷視之龐然巨虎也方睨樞上驟驟未覺圍豕先見之驚啼躍出虎齧之而去

丙戌行三十里至兵辨村又十里至珠場寨明時設兵以防珠盜者也偕李撫軍張正郎列坐海岸望海外雲山重疊如畫西即白龍城東為調埠寨又東稍南為永

安所而雷州又在其東舒雁行列一覽可盡塘兵獻鰲  
魚雌雄各一十二足色青黑眼在背上口在腹下

按鰲魚雌當負雄獲雄則得雌雌或脫去亦終就斃  
矣吳都賦謂之乘鰲是也尾銳而長觸之能擊刺人  
在海遇風則舉尾扇之俗呼鰲帆陸佃埤雅視鵠創  
拖觀鰲掣帆是也韓退之南食詩鰲寶如惠文骨眼  
相負行蓋謂鰲寶圓細如惠文冠所綴珠然也其血  
蔚藍寶可以醢介可以杓

又北行五十里止白水塘荔枝龍目夾道羅生扶疎可  
愛

已亥行二十里至白沙塘為廣西博白縣界蓋兩粵地  
形牙錯廉欽之北皆粵西也又行二十里止新疆

廉州府屬州一曰欽州縣一曰合浦皆附海元年畫

界自大觀港東歷高坡等境大樹根蕉子山白沙岡

村北風岡武刀寨長岐山村白龍寨羅九塘三塘西

村秋風塘社內村茅山塘榕根河大廉下山白石岡

入小路香草岡山路村鏡盤村丹兜至新墟為合浦

村永安所山埔村西山村山口村

邊邊界以外入海四十里者曰三馬寮村白屋小村

冠田村三十五里者顧屋村鴉頭村下白泥屯大山  
村三十五里者鐵屎嶺高峯崗大崗高範村多養村  
埔頭村大王山石板江三墩大腳鑪村石屋村埤頭

村黃泥埔鹽田村施屋村西篤村二十五里者栗木  
村黃糯田濃囊村二十里者武馱村船瓦窰橋梁山  
田寮村厥塘村崩塘村近埤村楊屋村多顏村沙尾  
堆下瓦窰白沙水村大橋村獨江村箔寮村沈家村  
梁家村蘇家村田寮大埠村十五里者龐村地羅村  
寧海村三家村關井村王屋塘村龍田村新村力士  
村那角村十里者許屋村馬欄村英羅村雷公田葛  
麻山低崗村譚村羅茅根村彬伴村囊村獨峯嶺舊  
場村龍潭村龐家村十馬村翁屋村西鹽場上那隆  
村黃鏡村觀井村對達村暨附海八九里至三四里

南樂村等

那壇村 水流村 大融村 謝家村 濱地村 瓊

北班村 隴村 黃梢村 賓達村 南冲村 山口村 東江

白沙塘村 蛋屋村 泉木村 竹林村 施家村 田頭村

西村下塘村 冠頭嶺村 小嶺村 吉車村 高德村 平洋村

單七村 東梁村 田頭村 西梁村 山寮村 井村 何屋村

及海中之澗洲皆移并續遺共豁田地壹千九十八

頃有奇于大觀港諸處因界設守展界稍復今從乾

體營撥守三汛各汛三把總一兵二名八字山千總

一兵一百名雙墳汛把總一兵一百名高德二十總

兵一百名冠頭嶺十名武刀港十名白龍港二十名

珠場港二十名英羅港把總一兵二百名榕根又于廉州營撥

守二汛永安所把總一兵三十名侯開定

永安所城在合浦縣海岸鄉舊在石康縣安仁里廢今

洪武二十七年始遷永樂十年建城城周四百六十一丈成化五年僉事林錦鑿外池置串樓四百十五四門敵樓各八故設遊擊于府于永安所萬曆十八年移于瀘洲風毀仍復舊署而以瀘洲為汎地廉州衛在府治

珠池舊志云一稱珠母海相傳有七曰青鶯曰斷望曰楊梅曰烏坭曰白沙曰平江曰海渚俱在冠頭嶺外大海中上下相去約一百八十三里前巡撫陳大科曰白沙海渚二地地圖不載止楊梅等五池又有對樂一池在雷州共六池予訪之士久楊梅池在白

龍城之正南少西即青鶯池平江池在珠場寨前烏  
坭池在冠頭嶺外斷望池在永安所珠出平江者為  
佳烏坭為下亦不知所謂白沙海渚二池也舊志又  
載有珠場守池巡司及烏兔麥祿等十七寨而不著  
其所自始白龍城亦不載于城池條但言欽廉土不  
宜穀民用採珠為生自古以然商賈齎米易珠官司  
欲得者從費市之而已漢順帝時桂陽太守文驚獻  
大珠詔却之足知其非常貢至孫吳黃武間改合浦  
為珠官郡始有官領採辦之事然權非侈靡之主史  
稱其時魏主來求雀頭香明珠翡翠鬪鴨長鳴鷄權

曰彼所求者於我瓦石耳悉以與之已而魏使又來請以馬易珠璣瑋瑁權曰此皆孤所不用而可得馬何苦而不聽其交易由是多取以應之其意蓋欲以權變斃敵國如范蠡驕吳故事然厲民已堪難免作俑之譏矣晉平吳交州刺史陶璜請弛其禁民困始蘇自宋迄隋未嘗復設唐雖以珠池名縣官不採取但以利民至偽漢劉鋹始設媚川都于海門鎮募兵能採珠者二千人以索擊石沒水而取之深至五百尺死者甚衆宋開寶五年王師擒鋹罷之元延祐間置採金銀珠子都提舉司于廣東明洪武初罷永樂



洪熙屢飭弛禁罷採至天順四年有鎮守珠池內使  
譚記奏廉州知府李遜縱部民竊珠下遜詔獄遜亦  
許記擅殺人奪取民財諸狀上命并逮記鞫問具伏  
遂錮記而後遜官益內臣之遣白龍之暑始于此時  
後遂相沿不廢官既屬禁小民失業往往去而為盜  
或乘大艦厲兵刃聚眾以私採官法不能禁于是有  
十七寨之設環海駐兵以守乃守益密而盜益多官  
兵反藉以為市其後賊大起如紅頭沙鍋之屬與官  
兵相格殺前後不可勝計而官採率十數年一舉行  
餘年皆封池禁斷蓋蚌胎必十餘年而後盈頗取之

則細嫩不堪用故也自天順後弘治一採正德一採  
嘉靖初首尾七載而三遣使得珠遂少至于開採之  
歲必官治巨艦千餘發重兵以虞變又多發頻海丁  
男十數萬人以備爬螺之用舟入大洋輒以風敗民  
避役如往棄市所需蓬廠兒羅刀釜之屬官秋勞費  
不貲而所得甚微不償所費于是撫臣林官疏請罷  
免許之嘉靖十年當復請撤回內臣畧曰合浦縣揚  
梅青鶯二池海康縣樂民一池俱產蚌珠設內內臣  
二員看守後樂民之池所產稀少裁革不守止守合  
浦二池計內臣所用兵役每歲共費千金約十年一

採已費萬金而得珠不值數千金亦安用此請撤之  
而兼領于海北道疏上大司馬李承勛力持之又得  
永嘉張文忠公為之主內臣遂撤萬厯間復招採珠  
用撫臣陳大科之言而罷其時奉行者尤無狀珠船  
樹內臣旗幟橫行村落鷄犬靡遺至有姦淫婦女者  
已乃揚帆竟去莫可究詰按臣李時華欲編船甲以  
禁之益可怪也按國語珠可以禦火災則貴之而車  
旗章服不用珠璣為飾禹貢淮夷蠙珠伊尹正四方  
獻正南珠璣璆瑁成周王會東越貢蚌蛤亦惟是官  
受方物以示王化所及無遠勿届而已安有竭天地

之藏專小民之利以充下陳之玩好而可以為國政  
之常耶至于中璫銜命為福尤烈崇禎朝用于邊境  
馴以致亂又不獨珠池為然也

聖代龍興不寶異物恭儉之德軼于前古可為萬世法云  
南越志珠有九品一邊水平似覆釜者曰璫珠其次  
為走珠又次為滑珠又次為官兩珠又次為稅珠又  
次為公符珠南方草木狀凡採珠常以三月必祈禱  
而往否則風攪海或大魚在蚌左右寂園雜記蛋人  
採珠以大船環池石懸大繩別用小繩繫諸蛋腰沒  
水拾蚌置竹籃中撼短則船人汲取蛋緣大繩上不

幸遇惡魚血一縷浮水面已飽魚腹矣陳大科曰冠  
頭嶺蛟龍水怪之所窟腰纏探珠者多不返故池名  
曰斷望珠產于澄潭深淵人跡不至之處古所謂水  
圓折則多珠是也近沙淺水蚌多空殼每剖一二斗  
所得不過如粟小珠數十粒而已今法木柱板口兩  
角墜石用山麻繩絞作兜如囊狀謂之螺筐繫船兩  
旁乘風行舟兜重則蚌滿矣此法較沒取為便予詢  
土人云每大風起蚌浮沙面探之甚易惟無風時蚌  
在池中須人取之此蓋村民無知之說即大科所謂  
水淺如粟之珠也今蚌殼狼藉水崖形三角廣不盈

寸蓋皆村民所剖云

嶺表錄異云廉州邊海有洲島島上有大池謂之珠池每歲刺史監珠戶採珠以貢人疑池底與海通池水乃淡此不可測熊太古冀越錄云常見蛋人入海取得珠子樹數擔其樹狀如柳枝蚌生于樹不可上下樹生石蛋人鑿石取之右二說志所無見本草綱目格古論云蚌間雷則瘕瘦其孕珠如懷孕故曰珠胎中秋無月則蚌無胎左思賦云蚌蛤珠胎與月盈

虧

水經注牟水出交州合浦郡郡不產穀多採珠寶前

政煩竒珠徒交趾會稽孟伯周為守有惠化去珠復  
還蓋珠池實有異晉咸安間合浦人採珠得佛光燄  
先是丹陽尹高惺行張侯橋浦得金阿育王像無跌  
座與光燄經一歲臨安漁人得跌座于海口至是復  
得光燄三相會合宛然如一蓋三十年矣後有西域  
僧五人詣惺言昔造像送鄴遇亂埋河邊不意乃在  
此因拜伏流涕是夕像放光燭殿宇土人云珠海嘗  
有光有珠母老蚌也偶入網中其船必覆嘉靖中以  
中官擾害對樂一池全從揚二亂時羣蚌夜飛空中  
的皦如星盡交趾界云

澗洲在海中去遂溪西南海程可二百里

新志云在郡城東南

十里 周七十里或曰內有八村人多田少皆以賈海

為生昔有野馬渡此亦名馬渡有石室如鼓形榴木

杖倚著石壁採珠人嘗致祭焉古名大蓬萊有溫泉

黑泥可浣衣使白如雪前為蛇洋洲周四十里上有

蛇洋山亦名小蓬萊遠望如蛇走故名二洲之上各

有山阜縹緲煙波間可望不可登其間居民因珠盜

充斥盡徙內地萬曆初移廣海遊擊將戰艦三十以

戍之十四年有侯遊擊者憚其險遠請分所將戰艦

為二自統其半駐永安餘使其屬統之守濱並雷州



府同知徐學周建議駁之曰將心也卒手足也謂心與手足可異處乎澗洲絕險故不可撤備濱澁密通珠池彼所以求駐者意在盜珠耳議上侯遊擊之請格不行十七年定設澗洲遊擊一員兵一千六百六名戰船四十九分五哨駐守十八年治遊擊署于澗洲尋為風毀二十年卒徙永安而以澗洲為信地自海安所歷白鴿海門樂民乾體至龍門港皆其遊哨所及也三十六年倭船二百寇欽州有澗洲中軍祝國泰者餘姚人起家武進士方成龍門率百戶孔榕迎敵力戰死立廟洲上以祀遷界時地久虛今不開

庚子行五十里至青平營又六十里至龍灣一名龍頭沙石城今白玠云龍頭沙乃石城西南境與合浦之永安所相望二地皆羸出海外而龍頭稍縮東村在其右三墩烏兔在其左若急水砲臺乃因內河通海而設非邊地也

高雷二郡地如舌吐海中雷屬之徐聞縣最在南舌端也稍北為雷州府治而海康附郭又北為遂溪縣二縣之地皆橫貫乎二垂綿亘一百六十里西抵廉海東抵廣海舌之腰也遂溪又北為高州府其地亦貫二垂如舌之本所屬石城為西境抵廉海吳川電

白為東境抵廣海故畫界之序合浦之後繼以石城

為高之西境又次遂溪又次海康為二縣之西境又

次徐聞而徐聞之後又繼以海康遂溪為二縣之東

境而吳川電白又繼之焉元年畫界自新墟而東歷

樟木岡等境高橋崗鷄公嶺竹山仔村那里坡深田

崗傳教崗急水村過河暗鋪村麻水村北至赤冷營屬遂溪本境之為石城邊邊界以外距

坑接壤也後做此海二十里者為深田村十五里者長坡村石狗村十

里者竹頭田下嶺村及附海八里至三里松明祿地

村等馬桶村三墩村窩頭村博教村下皆移并續遷

共豁田地二百五十二頃有奇于急水河口諸處因

界設守展界稍復今從石城營撥守急水諸汎急水砲臺  
千總一兵四十七名東村臺十名龍侯閣定石城所  
頌沙十名烏光臺十名三墩臺十名

在邑治

辛丑行七十里抵遂溪雷州遊擊李嗣弼曰雷州形勢

白鴿寨東接硎讀曰槁洲大洋為東偏之門戶樂民所西

接廉州大洋與永安所相望西偏之門戶也而海康諸

所在其內

壬寅行七十里次城月驛其地山圍四面中低處如月

故以名地蒸濕多穢氣必焚香以亂其臭因讀白樂天

送客遊嶺南詩有云翁鬢三光晦溫暾四氣勻陰晴變

寒暑昏曉錯星辰又云不凍貪泉暖無霜毒草春雲烟  
蟒蛇氣刀劍鱷魚鱗真實錄也李忠定于此別僧琮嘗  
作詩贈之

癸卯次雷州府署

甲辰恭遇

太皇太后萬壽節即行館率諸臣行慶賀禮

乙巳從閩道西南行一百里至扶茂村仄徑巖巖人烟  
寥絕

丙午從榛棘中行四十里抵家山遇六麋射得其一以  
克午膳家山者雷西南之要扼也其下有流沙港由西

海入岸南為青桐徐聞所轄也岸北為流沙海康所轄也今為兩砲臺鎗較其口登山而望正西有小山青石嶙峋房參嶺也西北有城雉堞參差海康所也大海之西烟雲杳靄中防城在焉流沙青桐相去八里別有鷺脰港在青桐臺下青桐南十里為石馬臺八燈港出其下又南二十里為白盤臺東場港出其下又南二十里漸折而東為包西港新地灣東場臺在其內此雷州之西南隅也自流沙以北二十里為英翎臺又十里為總墩墩又十五里為房參臺房參港出其下又北二十里為徒房墩又二十里為郎斗墩又二十里為吳蓬墩海

康港出其下又北三十里為博袍墩又十里為洪排臺  
洪排營在其內距海康所四十里又北二十里為調建  
墩屬樂民所更北歷羊蹄臺下落港為文體港東距遂  
溪縣八十里自文體臺更北即接石城矣諸港惟流沙  
港最深廣長七十里其次海康港長三十里皆可泊舟  
是夕仍返扶茂宿

元年畫界自赤冷營歷文體上坡等境八山下坡河頭營新屯村  
助龍坡浩發坡調流坡墟坡北坡平湖坡坎頭坡調  
樓田濟坡田頭坡山裏坡西坡後羽頭東坡英龍後  
坡林邊塘後坡上羅西至將家後坡為遂溪西邊邊  
坡錦前坡新安坡  
界以外距海十二里者石井村乾留村大墩村十里

者官長村石頭坑村交體上下村合斜村曲阨村同

繩村及附海八里至一里塘飯村等周家村羊蹄埠

村攬贊村邁特村傳處村草潭村神村坑尾村坎頭

民村抱金村卜裏村調神村小子村邦那村林顯村墩

北窰村調流村埠頭村暨樂民所皆移自蔣家後坡歷

土樂坡等境田西後坡山內坡英玉坡北懷坡至那

渡邊為海康西邊邊界以外距海十五里者為英風

村十里者那靈村娘麓村賞村草錯村金竹村麻亭

村長攬村烟樓村油河村翔瓶村及附海八里至二

三里西山村等譚頭村英嶺村鹽窰村調黎村藤蘿

家村白墓村蘇惡村北合大馮村洪排村調暨海康



所皆移二縣頃既見後十海康青桐二河口因界設守展界

稍復今從雷州營撥守樂民海康諸汛樂民所守備

八十七名對樂墩五名田頭墩五名調神臺五名牛

寮墩五名博里墩五名抱金墩五名官場臺五名調

建臺五名調建墩五名博袍墩五名海康所千總一

兵五十五名吳蓬墩五名即斗墩五名徒房墩五名房

流沙臺千總一兵三十名英嶺臺五名青桐臺十三名

名羊脚臺十一名侯閣定

海康所在海康縣九都灣蓬村樂民所在遂溪縣縣

八都蠶村皆洪武二十七年安陸侯吳傑築按沿海  
設立衛所之議始于花茂茂巢縣人洪武初勦平廣  
諸徭蠻有功陞都指揮同知上言廣屬遁逃蛋戶附

居海島遇官軍則稱捕魚遇番盜則同為寇請徙其  
人為兵庶革前患又奏添設沿海依山碣石等二十  
四衛所城池收集海民隱料無藉為軍仍于要害山  
口海汊立堡撥軍屯守皆從之茂以洪武三十年卒  
于鎮命其子英護柩還京賜葬安德門外建祠于牛  
首山

是日張正郎奉委閱樂民所回言樂民所距海十里距  
府治一百二十里西有樂民港海口廣二三里可泊大  
船其地有沙洲城登之可見大海稍南三十里調神灣  
又南三十里博里港可泊船又南三十里官場港船常

于此避風

雷州衛在府治

橫山港在遂溪西北八十里今不設守有橫山江流出廣西經樂民所

調樓山枕海高十丈產榛朮可察飢因五色雲現若樓臺故名地圖樂民所有調樓營在邊界外志言在遂溪東北一百二十里誤當作西北博袍水出博袍山山高五十丈相傳有神光射天在海康西十里有壞途傍水流通東渡入擊雷水因傍有徑路故名訛為徒房

英嶺臺或作英翎疑卽英靈村也相傳陳大建間雷  
出于此英靈顯異故名

邵洲在海康西南一百十里海中民多邵姓似久廢

卯洲在海西南海中鳥多伏卵于上船過或取卵其  
鳥千萬飛隨十里始返

丁未返雷治訪城西羅湖十賢堂故蹟

羅湖一名西湖堂在其上卽寇萊公祠之後為宋咸  
清九年郡守虞應龍建文信國為之記云寇萊公準  
以司戶至丁晉公謂以崖州司戶至學士蘇軾正字  
任伯雨以渡海至門下侍郎蘇轍以散官至秦觀以

蘇門下至樞密王巖叟雖未嘗至而追授別駕猶之  
至也未幾章惇亦至其後丞相趙鼎李綱參政李光  
編脩胡銓皆由是之瓊之萬之儋之崖邪正勝負世  
道與之為軒輊虞侯來黜丁氏章氏而列萊公以至  
澹菴凡十賢為此堂按準少夢至海濱作詩有到海  
只十里過山幾萬重之句及至雷閱地圖見那東門  
抵海崖果十五里始大驚嘆以為得喪非偶然今雙  
溪臺海口卽其處也又有瑞星池以準所居常有星  
墜而得名有萊泉以準常飲英靈村水而甘之故名  
軾轍兄弟同時貶謫相遇于藤渡海作詩相示轍生

日軾以海南黃子杖貽之作詩云靈壽扶孔光菊潭  
飲伯始雖云閉草木豈樂蒙此恥一時偶收用千載  
相瘢痕海南無佳植野果名黃子堅瘦多節目天才  
任操倚嗟我始剪裁世用或緣此貴從老夫手任配  
先生凡相從歸故山不媿仙人祀風骨矯矯至今芬  
人齒頰也乃準為丁謂所擠而謂亦尋至家人競欲  
報讐準不能禁惟令縱飲博以須其過謂得以僅免  
轍見貶時章惇勅雷部無敢舍流人賴郡人吳國鑑  
者為之居停後惇至雷人以前令語之惇俯仰慙恨  
至誦商鞅之語以自咎二事差足快也前乎十賢有

李北海邕李贊皇德裕皆人傑至萬厯間予鄉人沈  
公思孝以比部郎抗論張居正奪情謫神電而莆田  
戴公士衡以給事請建儲忤旨謫合浦兩公貶所皆  
接壤好事者能陳蕉荔之真而躋之坐未當必為文  
山所許也而宋世又有蔡攸馬自強可以追配丁章  
并志之以佐一噓

石學士吳制院至自瓊州會于雷館石學士曰自海安  
所渡海八十里即抵瓊之海口所距府治十里瓊城周  
八里東西南皆有門北無門各鎮兵衛甚設飲蘇學士  
所濬浮粟泉而還歸遇暴風幾困一大魚長數十丈昂

首張鬣迎船來口吐黑霧半天為昏十里外猶見之

按葬堅志趙鼎貶珠崖桂帥張淵遣使致饋自雷州  
浮海風力甚勁顧見海濤中紅旗相逐而下使者疑  
為海寇舟人搖手令勿語急入舟被髮持刃出篷背  
立割其股血滴水中凡經二時乃相賀曰更生因言  
此巨鱗也紅旗者鱗鬣耳然則學士所見猶海族之  
小者子瞻從徐聞渡海亦由此道賦詩有九死南荒  
吾不恨茲遊奇絕冠平生之句

石學士吳制軍之自瓊而返也即閱徐聞錦囊云徐聞  
在雷州正南一百八十里自徐聞東南行二十里為海



安所下有港行十里出港口即大洋又東為錦囊所城  
東有港小舟行十里出大洋有新芋島此港又可通通

明白鴿寨

元年畫界自那渡邊歷新地墩等境

麻豐墩麻鞋墩計  
網墩三墩齋崙墩

踏磊環海安港小水橋白沙田博平村博沙嶺調黎  
坡博蠟猴殷蘆邊縣南門牛牯嶺崙頭村山圍橋錦

囊所赤嶺南陳坡崙至牛克墓為徐聞邊邊界以外  
塘坡墓前嶺田心洋

諸村村名及海安所新芋島俱移并續遷共豁田地

一千一百一十一頃有奇于錦囊海安諸口因界設

守戍界稍復今從徐聞營撥守計網諸汛計網十名  
東場臺千

總一兵三十名白盤海安營撥守三墩諸汛三墩五  
臺十名石馬臺十名

那黃墩五名 西卯墩五名 齊倫墩五名 踏磊墩五名  
 博漲墩五名 紅坎墩五名 白沙墩五名 一名青灣墩  
 五十州營撥守錦囊諸汛 錦囊所守備一把總一兵  
 把總一兵二十名 博臘墩五名 鹽井臺五名 博西臺  
 十名 黃塘墩五名 牛牯臺十名 石頭墩五名 調祭臺  
 五名 大臨墩五名 赤尾 候閑定  
 墩五名 臨沈墩五名

海安所在博漲村錦囊所在二十八都新安村俱洪  
 武二十七年吳傑築城錦囊之名不知所始方輿勝  
 覽載上庠錄云寇準貶雷州帝賜手勅丁謂屬中使  
 以錦囊貽劍欲警準使自裁準方在驛從容曰天子  
 賜大臣死願見詔書即脫從事綠衫以迎詔中使之  
 詐遂窮疑因此以錦囊名其地而所名因之海安所

天順間常為邑治弘治間復舊

討網村宋為邑治元至正二十八年遷于賓朴即今

治

冠頭嶺縣東南三十里遠望如冠廉州又有冠頭嶺此則張岳所云海

道可通踏磊有觀濤嶺周一里登之可望渡口

石馬井在縣東五里相傳有馬食田禾追之入井中

但見有石如馬遠號石馬井一村藉以溉田

三墩在城南二十里突起海中號小蓬山中墩有古

樹甚怪下有龍王廟禱雨者詣之前有穴名龍泉取

得淡水則雨立至由此渡海四百餘里乃至瓊州海

隅有千步香葉似杜若而紅碧間雜佩之聞數十里  
故名海中有鷄子魚肉翅無鱗尾尖而長有風濤則  
乘風飛于海上又有天牛魚方圓三尺眼大如斗在  
髀口在脇中露齒無唇肉角如臂兩翼長六尺尾長  
五尺能上岸與牛鬪角軟還入海中堅即復出又有  
海鏡亦名海月土人呼為膏藥兩片合以成形殼瑩  
滑如雲母內有小肉腹中蟹子小頭黃螯時出覓食  
蟹籠亦籠或迫以火蟹出海鏡立斃或生剖之蟹子  
尚活遠巡亦斃即海賊所云瓊瑤腹蟹也

青灣港在城東南三十里宋韓琦曾孫貽瓊南携三

子留二子家于白沙後葬青灣七世孫顯甫刊戒子

詩于墓側

新芋島在錦囊所港外中有村落七八處民戶三百餘長三十餘里廣五里近岸狹處可一里按志載瀧洲崛起海中周五十餘里田地腴美盛產荷花博袍西流入海經于洲南疑即此島也

雷州東門邪徑三十里渡通明河至白鴿寨寨有城周二里雷郡東北隅門戶也東海島在其東自寨而南十里為北家港又南十里有舊砲臺距海一里許又南十里為雙溪砲臺距海五里許而雙溪營又在其內十五

五里自雙溪臺又南二十里為溪泊港又二十里為淡水港又二十里為調嶺港又十里為吳家港又十里即錦囊所矣自寨而北十里為北品港又二十里為庫竹港又二十里為舊縣遂溪故治所也又北十里為北月港又北十里為海頭砲臺接吳川境矣諸港惟雙溪最近府治港口又向大洋然淤淺不可泊舟獨通明一港可泊大舟而白鴿據其口遂為重鎮焉

元年畫界自牛克墓歷淡陽坡

那黃坡麻黃橋調風坡那奇村乾塘村橋

頭村那頭坡下塘坡那博嶺高牛至東洋村為海康

東邊邊界以外附海八里以至三四里東山村等

塘下

村高牛村調陳村溪打村符  
料丁村北昌村那頭尾村俱移合東南兩境并續

遷共豁田地一千二百八十五頃有奇自東洋村歷

仙鳳村等境通明村白鵝寨竹村小橋村臨至麻斜

港為遂村東邊邊界以外東海島俱移合東西兩境

并續遷共豁田地三千二百六十九頃有奇于麻斜

河口諸處因界設守展界稍復今從雷州營撥守吳

家諸汛吳家墩五名陳墩五名烏石墩五名東鄉墩五

名舊縣臺十五名北月臺十名白鴿營撥守雙溪諸

海頭砲臺把總一兵三十名寨砲臺兵

汛雙溪臺把總一兵五十七名寨砲臺兵  
白鴿門明設把總一兵八百四十六名兵船二十八

自赤水港接北津歷限門沙頭洋至海安所止與瀾洲信地相接

舊縣東五里峯輪埠有石枕于海岸長五尺濶三尺宋嘉定九年天大雷雨龍降其地爪痕在石如鑿土人謂之龍爬石泉于石上湧出旋為潭禱雨輒驗

東海島在遂溪東自北家港至舊縣長七十里廣二十里或三十里與縣治雖隔海僅若一河有南北二渡南即白鴿相距十里許潮退不過五六里北在舊縣水益狹不過二三里許其地宜稻且饒魚鹽居民稠密有西坡村大園村大村庵里村那穩村調產村



齋頭村鬱律村鹽壩村厚皮山村德老村巖頭村坡  
裏村龍騰上村龍騰下村調屋村調東村青藍村東  
山村調倫村朗村邁望村吳處村麻坦村北山村調  
市村安益村調羅村十二壩村遂溪東界及海而止  
止遷島民而內地不及予至白鴿遷民累累擁馬首  
泣訴求復故業予以

上諭通告之皆踊躍去志有思陵島在郡城東十里海中

其上多米豆枝葉如楊柳疑即是

東頭山又東海之傍島也有調琴村後山村金家村  
官寮上下村祿魁村西園村調第村暗祿村調舊村

瑯琊村山頭村內林村三岔村

蔚律嶺志稱在海康東百里蓋卽東海島中之蔚律村也盡海處屹起十餘仞為東方巨鎮舟船自廣回至汾州洋先見此嶺以為指歸

調鷄門周圍一百五里隔硯洲僅一水地勢奔趨赴海如鷄展翅故名

皇清巡視紀畧卷一

四十六

粵閩巡視紀畧卷一

粵閩巡視紀畧卷二

工部尚書杜臻撰

己酉復至遂溪

庚戌行五十里至銅鼓入五十里止唐墩

辛亥行五十里至梅萊鎮閩限門

梅萊鎮南距吳川二十里四面皆水螺旋以入海南  
商船多集于此居民數千家省會之通衢也萬厯間  
議設海防同知駐梅萊

高川府領一州五縣四縣並海石城距西海已見前  
吳川茂名電白皆距東海而茂名附郭元年畫界自

蘇斜渡歷新場村吳村乾塘村木灰村嶺上村過限

山村調至博茂村為吳川邊邊界以外距海二十里

者為下吳村及附海南寨村等廣川灣青訓村麻練

溝村鳳筆田頭黃村木厯村地聚村暨硎洲俱移并續遷共豁田地七

百一十七項有奇于限口諸處因界設守展界稍復

今從吳川營撥守蘇斜諸汛蘇斜把總一兵四十五名

十五名限門港東西烟墩十名岐山候閑定

臺十名文筆嶺五名東海臺五名限門在吳川邑南三十里納三川之水入于海三川

者一吳川二陵水三羅水吳川源出鑑江陵水源出

廣西北流縣扶來山下羅水出北流縣表石下二水

合于化州又會吳川于合江渡吳川縣西一百十里  
有羅村故址宋檀道濟所置也三江合流過縣西復  
分二川旋繞縣南復合為一至限門入海水道曲匯  
值潮退沙積淺露或潮滿風急舟楫多阻故名李元  
暢有限門賦畧云吳川濱海而縣其南三十里有限  
門焉納鑑江零洞潭峩諸水放于海門廣盈丈夾磧  
對峙如虎牙錯淺流中逶迤而入即瞿塘之險不是  
過每風濤搏激其響如輕雷聞百里瓊雷硎洲僅隔  
一衣帶水風勁可一瞬杭之海上有故此門設半旅  
可當劍閣一夫也商舶至非購篙師定檣鳥不敢入

稍失道觸淺流中夾磧舟立瓜碎亦海濱之雄鎮也  
賦曰登文翁之崔嵬望南溟其一杯疑巨靈之擘石  
駭重門之洞開納三川之積水轟萬古之奔雷挺螺  
峯以成戟斷鰲極以為根限天險以南北通潮汐以  
往來真為狀也斷磧橫絕如環半缺對錯猛牙雙流  
積鐵含形為虛盤紆曲折陰雲結駟以長驅高浪翻  
車而無轍或命大鱗而建羽旗或吐晴虹而安綽楔  
云

解縉過吳川詩云吳川望海水冥冥萬斛龍驤一羽  
輕沙磧煮鹽疑皓月潮痕遠貝麗繁星硯洲夜露金

銀氣神電晴嵐鶴鶴鳴玉節南來天北極安邊歸頌  
海波平

寧川所在邑治

大筆嶺在邑西南七十里一名特思山其山雲起即  
而邑人特思而望之故名有唐刺史馮士翮墓

特呈山在邑南六十里其北有茂暉場山形秀聳海  
中因名城南河畔有極浦亭宋李陵雲隱處宋亡後  
丞相陳宜中走占城過此賦詩云顛風急雨過吳川  
極浦亭前望遠天有路可通環嶽外無山堪竝首陽  
嶺雲起際潮初長海月高時人未眠異日北歸須記



取平無盡取一峯圖

出限門一百五十里有碣洲長七十里廣十里碣字  
土人讀曰撓宋史作碣洲屹立海中當南北道乃雷  
化犬牙處宋景炎三年端宗避元次此而崩羣臣欲  
散陸秀夫曰度宗皇帝一子在安置此遂與張世  
傑復立衛王昺為皇帝年八歲填海錄云是日午登  
壇畢還宮御輦所向有龍拏空而上身首角目俱全  
暨入室雲陰不見因改元為祥興升碣洲為翔龍縣  
有上北村下北村中村南村遷界俱移今未復  
南山渡亦島名在碣洲西北五六里長三十廣七八

里自博茂村歷老鴉村埔村地金村楊保至王村為

茂名邊邊界以外附海八九里至二三里龍秋諸村

那泥村調到村廣潭村牛騎屈村流架村謀樓村那

碌村東八村海頭上下村潘村為鼓嶺尾排山莊給

譯字條兜村伙寅村馮村吉兆村東山村壯馮村橫

埔村下揚梅村潭八村那水村乙勉村簾茅村張要

村那餘村鹿嬌村北十村平河村譚華村柳雄村俱

白石村羅村英齋村小那碌村譚村譚進村

移並續遷共畧田地肆拾頃有奇因界設守展界稍

復今從高雷總兵營撥守博茂諸汛博茂三十三名

五名那餘四十五名處候閱定

橋五名西河五名

博茂村以錢博潘茂名二人合取之先是有道士潘

茂名者功成上昇因以名縣貞觀中改潘州道士嘗

入山遇二人奕道士顧謂之曰子亦識此乎曰入猶  
蛇竄出似雁行道士笑可其說因授以服黃精之法  
縣南二里有茂嶺亦以此名南越志漢末建安十八  
年衡毅錢博拒步騭于高要縣毅投水死博與其屬  
亡于高涼呂武為刺史博因請降遂以為高涼都尉  
高涼置郡始此邑之鄉名有上博下博

嶺表錄異云鹿子魚有鹿斑赤黃色羅州圖南海有  
洲身春夏此魚羅山洲化而為鹿曾有人拾得一魚  
頭已化鹿尾猶是魚南人云魚化為鹿魚腥不可食  
壬子行六十里至沙苑又六十里過蠶場又三十里次

樹再

癸丑行二十里過電白縣遠城折而西南行十里至海邊登白蕉墩山特高聳望大洋天水相涵無復涯涘漁舟出沒隱見如烟中韓湖海多陂田雪練皎皎蓮頭放雞諸山簪列螺浮蒼翠可攬蓮頭港口在縣南三十里水行止十里由此迤西有博賀臺去縣三十里水行止二十里又西有赤水港去縣六十里水行止三十里又西有流水臺去縣九十里水行百里又西有河口臺去縣三十五里水行五十里此電白之東南境也赤水蓮頭山後三港俱可泊舟

元年畫界自王村歷沙苑墟那花嶺那盧村水東村 蓋村上下陳村紅花尾

山麻洞村平嵐山白蕉山電白縣治樹仔村北至長

崔村萊豆山那得山麻絲村平藍村下藍村

山為電白邊邊界以外距海十里者馬鮫頭村白蕉

村附海八九里至二三里山後村等萊豆村新村上

赤山村蓮頭村博賀村那尾村新濟南北村橫山付

巷口村大中村紅花村王村蟹場村老蔡村上山兜

村下李村王村仔下山兜迷村張耀村下蔡村嶺

村新坡村下準村暗鏡村迷勒村下潘村海頭村

村沙沙村聳俱移并續遷共豁田地一百二十六頃

村大園村

有奇于山後河口諸汎因界設守展界稍復今從電

白營撥守流水諸汎流水九名南海把總一兵二十

後臺十四名山後把總一候關定 兵三十七名河口臺十名

電白縣治即神電衛城也洪武二十七年都指揮花茂築土城永樂七年賞以磚周一千一百丈有角樓四敵樓四十正統間燬于徭寇舊縣在府東北寶山下獅子坡蓋以高川之地東西北三面皆徭而獅子坡控其咽喉故也景泰間流賊雲擾成化四年徙縣治入神電衛城隆慶五年倭犯高雷陷電白及錦囊所成殷制院正茂檄總戎張元勳駐從化復檄余甫李村許孚遠分道督兵逐捕村方勦羅旁寇大捷聞有倭警曰電白與神電同城海北晏區也不俟檄至而先趨之至則會兵合擊俘斬一千七十五員名高

樓悉平

蓮頭山在縣南十里秀若芙蓉四十里有蓮頭港出  
奇壁山下北流南接大分洲入海奇壁山在縣西十  
五里山色蒼潤如璧故名

寰宇記云海出驂馬尾如牛水庫似牛角似龍一曰  
龍鯉入多珠鱗狀如肺四眼六足而吐珠又有文純  
烏頭魚尾鳴如磬而生玉述異記云海中有鮫人不  
廢機織其眼淚則出珠南越志有君魚長一寸背骨  
如刀逢諸小魚及龜腹皆破之

甲寅行四十里至儒崗又立十里止太平驛

乙卯行七十里止樂安舊營名屬陽江又四里過麻橋河又十五里止陽江

丙辰偕諸公自陽江登舟行三十里至北津寨寨因山為城登之可以遠眺有兩砲臺一曰南津與北津對峙

夾海口而海陵島在其前自陽江並海西南行四十里

有白鹿疏稱北萊砲臺又十里有豐頭港自陽江至豐頭陸

行則甚遠為途一百里而水行邪徑止四十里自丰頭

又西南五十里為雙魚所又二十里為白額疏稱北額港此

陽江西接雷白之境也自北津東南三十里為三汊港

與陽江斜徑相距六十里自三汊港又東至海朗所四



十里北陽江東接廣海之境也

肇慶府屬州縣十惟陽江一縣並海而恩平開平二

縣亦與內海相通元年畫界自長山屬陽歷鋪戶仔

山樓坑嶺崩牛山蒲山嶺雙魚所烟樓嶺馬村嶺龍

山高山石港墟田村丹朗村小那羅村過河北嶺

山脚頭山那伏山花村鳳凰山那潭洞村合掌山官

背村至長送紫羅送口為陽江邊邊界以外距海十

五里瓦印平嵐十里赤婁舊場餘附海八九里至一

二里允泊雙門等梁棟東平海朗新海朗北政西平龍平舊場石橋合浦墟背山麻河

潮浦鑪仔大溝舊場白沙三入新及海陵島俱移并  
寨勝塘西塘北環口洋烟樓區村  
續遷共豁田地三千一百六頃有奇于北萊雙魚諸

汎因界設守屢界稍復今從春江營揆守北額諸汎  
北額十名雙魚所守備一兵九十名豐頭把總一兵  
三十六名程村把總一兵三十九名平岡千總一兵  
五十三名北萊把總一兵三十九名候關定  
名北津千總一兵五十九名三以十名  
北津山高二十餘丈自東沿海僑旅而來外扞奔潮  
內衛村陌邑之外藩也上有望海亭夾口對峙者曰  
南津山亦並海而西數里方止流其中者為漢陽江  
源出古銅陵縣浮雲山南流至陽春縣會羅鳳石瓊  
諸水經尖山合于鼉江鼉江東派至獨洲都為潭世  
傳有龍潛因名龍濤又名鼉江回至北津港門入海  
兩津之間有獨石高十餘丈回四十餘丈出海口二

里許其下深不測萬厯二年倭陷雙魚總督侍郎殷正茂檄總督侍郎殷正茂檄總兵張元勳副使趙可懷自新會發嶺西道劉志伊僉事石盤自肇慶發參將梁守愚先至陽江衆議賊已舍舟必逸內地當設伏以待之已而賊果奔儒崗官兵遮擊于益水施村大敗之俘斬八百一十二級復有餘倭自白額港登岸屯聚望夫垵石諸處官兵擊殲之餘黨悉平萬厯四年總督凌雲翼奏立北津寨寨設船二十四官兵九百七十六員名自芒洲娘澳接廣海汎地歷海陵放雞蓮頭至吳川赤水港止與白鷓汎地相接

雙魚所城在陽江洪武二十七年指揮花茂建周四百八十丈萬曆二年委陷城署燬三年重修

海朗所在陽江縣東南花茂建周八百五十丈鳳凰山高百餘丈周二十里一名北甘山壁立千仞有瀑飛下猿狖不能至相傳鳳凰巢其上遇大風雨嘗墮如雀而足稍短截其嘴為鳳凰杯蓋鷓鴣雀之類望夫山在白石都接電白縣界高四百餘丈周四百餘里上有石如人引領狀旁有丁髻石

海陵島自北津寨渡海三十里長八十里廣四十里自平岡渡直過止十里舊志云海陵山高三百丈周

二百里列為數峯上有盤石非人力可致而螺殼相粘舊名羅洲又名羅島圖經云海中有魚五月五日夜悉登岸化為鹿其中峯為年黃山東為年章山下有年章港受海漲潦以達于海西南為馬鞍山山下為駝船澳西北為鴉洲山海陵巡檢居之宋史載末帝昺既亡張世傑將之安南舟抵年章港口颶風大作或勸世傑登岸世傑取瓣香登舵樓祝曰吾為趙氏亦至矣一君亡復立一君今又亡其所以未死者庶幾別求趙氏立之以存宋祀天若不欲吾復趙氏則覆吾舟舟遂覆世傑溺焉相傳世傑死軍士得其

屍焚化函骨葬于平章山下或謂葬處在潮居里赤  
坎村而邑無潮居里惟邑東有赤坎村亦不在此山  
下弘治己未知縣柯昌大封赤坎村墓陳縣章作詩  
紀之王佐以為潮居里赤坎村皆在香山此陽江之  
冢乃疑冢也存之俟考其聚落有長沙村石潭羊塚  
村麻錦雞頭村丹朗村那賴村高田村那黃村那羅  
軍寨北祿村新寨施村牛屎埠陳豹仔北寮村郎下  
藍袍白水宮花崩溪村那販望山梁村馬村下洞南  
涌門旱洞仔白石板河墩頭苦草雙貫白沙馬洞坑  
朗角浦山村南寶樓坑石門後湖梁康舊場在版籍

為壽文白石二都元年遷移今復

丁巳行六十里至蓮塘又三十里止那龍為恩平縣界  
戊午大雨行四十里至占村又十里過那扶營多鹽田  
又三十里次鎮安七志屬平周繚以垣垣外有溪遠之居  
民數百家屬開平縣界

三年續遷恩平縣共豁田地七百五項有奇開平縣  
共豁田地一百九十九項有奇邊界村名不具述恩平縣明

初無成化二年僉事陶魯立恩平堡築城周二百二  
十五丈設巡司十六年建為縣崇禎十二年知縣王  
靡以山水不利更築新城于黃河前疑是節字周四百丈

未及徙 國朝順治十一年舊城為土寇王興焚毀

官吏寄居四頭始葺新城以居焉

故有那龍營

開平縣崇禎十七年開設舊為開平也堡城止二門  
康熙四年知縣高子翼名其東門曰紫來南門曰常  
平而那扶又屬廣州之新寧蓋犬牙相錯也

己未大雨行四十里至白沙又六十里止新寧

庚申行十五里登舟又五十里止長沙閱廣海衛寨城  
南面即大海遠城而東廣二十里夾海口有二砲臺西  
曰長沙距那扶營海程百五十里東曰烽火距元頭山  
海程八十里廣海陽江之界有香山口廣二十里



廣州府領州一縣十五附外海之縣五曰新寧新會

香山東莞新安游波內注復有三縣臨其崖曰順德

番禺南海元年畫界自長逕紫邏往口厯團魚邏

坑頭松嶺虎山洗門過河橫山奇猷鬼岡烟岡文村

柴格村奇頭岡海晏街大艾河村那馬村石角山沙

爛山小村上弓嶺荷木逕雙門山廣海衛過河廟後

村寨冲山田頭村冲金村南村東坑村曲岡村白石

村遇河龍潭古至將軍山為新寧邊邊界以外距

海十五里者旁募赤企深灣曹息浦十里石井那骨以

至附海五里銅鼓村等大麻村小麻村楊林長沙甫

頭村祐村沙橋村高羽角紅花煎土及上川山下川

岡那委村北里村北里村北涌村

山嶼洲諸海島俱移并續遷共豁田地一千七百六

十二頃有奇于海廣丰門諸口因界設守今從那營

營檢守四門等汛

四門港把總一兵三十五名

廣海

營檢圓山等汛

圓山三十名都斛汛十名長沙汛兵二十名

名上閩坑二十名

山背汛二十名海晏把總一兵一百

名烽火角二十名荷本選二十名

名烽火角口把總一兵四十名

侯開定

廣海衛城本為新會縣得洲巡檢司洪武間指揮花

茂奏遷巡檢司于望頭鎮以其地建置衛城周九百

三十二丈弘治十一年設新寧縣而衛城亦割隸焉

明設守備一兵船二十八兵三百三十五名自三角

洲接南頭汛地起至芒洲娘澳與北津相接隆慶四

年後從海晏雙門是廣海臨之指揮王楨鎮撫周秉  
唐百戶何蘭戰死

上川山在衛南海程五十里長二十五里廣二十里  
有石筍村北坑村西坑村茶灣村高觀村鮎魚村山  
多香蠟林木今有瑤人居之瑤官主其征稅瑤人宗  
族在新寧之那仗寨上川之左曰大金門海右曰小  
金門海皆在海晏都

下川山與上川對峙在衛西南海程六十里長三十  
里廣二十里有牙灣村野牛塘南澳村水洋村南洋  
村淡水坑塔邊村上步村下步村葫蘆灣荔支灣有

新寧人居之洪武四年海寇鍾福全李夫人等自稱  
總兵挾倭船二百寇海晏下川廣州左衛指揮楊景  
追捕至陽江平之

黃金門在衛南海程五十里周二十里

五主島在衛東南海程六十里周三十餘里

蟒洲島在衛西南海程七十里廣十里

大牌海產苗蝦鱸白赤魚東南遙銅鼓山風濤觸石  
有聲曰銅鼓海產多龜鼈紫菜鹿角菜其西南為番  
舶往來之衝曰寨門海

紫霞海在巴西里其上有紫霞山時出雲霞與水相

映行舟多泊于此

辛酉行七十里泊新會閩崖門去縣六十里又十里為

長沙汛虎營去縣四十五里獨子山白石嶺皆其分汛

元年畫界自將軍山厯崖門口送口山百足嶺那仗

東鄉村長洲沙大九尾大楊港村獨子山大涌口山

沙口麻園石洲沙橋并州沙橫海沙港岳三遇河至

古鎮為新會邊境界以外博海二三里沙堆村等獨

村大灣村保灣村沙角村新及崖門島俱移并續遷

村保角村長沙村鬼叫村共豁田地二千四百四十八頃有奇于古鎮港口岸

門諸汛因界設守展界稍復今從新會營撥守長沙

諸汛兵沙把總一兵七十里崖門東西砲臺千總一

兵六十四名石嶺五名獨子山五名虎營千總

一名五十名虎坑二十  
八名崖口三十三名 候閣定

崖門山在大海中潮汐之所出入也高四十二丈周  
八十一里與奇山相對中有港門可以藏舟宋景炎  
三年端宗崩于硎州衛王昺即皇帝位改元祥興六  
月帝舟次崖門造軍屋十門行宮三十間正殿曰慈  
元以奉揚太后二年正月元張弘範李汝兵至崖山  
張世傑悉燬行朝連大舟十餘為一字陣奉帝居其  
間二月弘範命恒等守崖分四軍夾攻世傑苦戰俄  
有一軍搗旗仆餘旗皆仆宋師潰世傑與蘇劉義等  
斷維以十六舟奉揚太后遁去陸秀夫赴帝舟帝舟

大且諸舟環結不可動乃盡驅妻子入海朝服抱帝俱投海中後宮妃嬪及翰林學士劉昂孫兵部侍郎茅湘吏部趙樵樞密高桂等多從死越七日尸浮出海十餘萬時帝舟一白鷗哀鳴良久亦墜水死世傑奉揚太后遂崖山太后赴海崩世傑收葬于崖山今崖山有揚太后陵又有端宗永福陵即帝昺嗣位後所奉安也按行朝錄填海錄俱云端宗葬崖山惟野史云葬于亂山民為之諱其處至舊志云壽星塘側有陵迹五處則又在香山蓋馬南寶葉疑陵也又有宋太后陵在香山梅花水坡上一在墳頭岡而元文

類稱李恆追世傑至高州獲屍還報亦與志異見志事成化間僉事陶魯建大忠祠于崖山祀文信國  
陸侍郎張樞密三人知縣丁積割廢寺田二頃以供  
祀事以趙權伍隆起子孫守之弘治中右布政劉大  
夏奏入祀典徐僉事建全節廟于大忠祠後嘉靖中  
知縣何廷仁建忠義壇于廟門外祀宋元時死義將  
士伍隆起者從與張弘範戰陸秀夫刻木首以葬之  
今新寧西四里黃牛推車山有宋義士伍隆起墓  
奇石山志不載但與崖山相對有湯餅山陳獻章詩  
云北風吹浪卷滄溟杖屨船頭候曉晴滿路寒雲吹



不散一帆細雨濕湯餅

崖山有大沙村舊設沙村巡檢司

長沙村舊設沙岡巡檢司距崖門海程十里陸五里與廣海衛相對而近新寧之百峰山為會寧關恩四邑接壤之地康熙二年設把總戍之百峰山層巒疊嶂不可紀湯餅獅子皆其支壠故有百峰之名有板

潭雲禱輒應

宋元熙六年置新會郡治益允隋改九州今新寧界外有允泊村是其遺蹟也

將軍山在邑西三十三里自潮陽都趨向流水與雙

門逕山相接

熊子山在邑南二十一里大海中有四名曰氣熊曰馬鞍熊曰東熊曰長熊熊當作能音若那鼈三足也又有紫水入于熊海宋皇祐間火忽變紫色故以為名

鬱水自番禺分流至縣東為江門陳徵君獻章所居也有碧玉樓嘉會樓閩人林應龍題詩云冷伯可能忘叔水漢家終不屈羊裘至今傳誦又有釣臺即付吳聘君與弼者也其流逕縣灣入于熊海東趨香山為小梁海西自規岡至崖門入于祥柯為南海汪廣

洋詩云牂牁流水碧游游潮落潮生草木間一片海

雲吹不起越人遙指是崖山

癸巳行海程兩日泊香山失記

甲午登陸自縣東南行山脊百里至前山寨左右皆臨

斗絕之坡中一徑僅數尺止容昇輿頗稱艱險又二十

里至寨門宿

乙未登寨中兩砲臺瞻覽海南形勝蓋香山一邑位廣

省之正南環通四潮島嶼森拱而寨門一鎮又在前山

寨之南一名濠鏡寨亦曰香山寨形如雲之廣二十里

長半之正北一石埭貫大海而屬于前山寨廣十餘丈

長六里如芝之有莖埂與寨相屬處築關守之曰鬼子  
關啟閉有節島中居人皆番彝約千餘家土人有非時  
闌出者關吏呼止之羹亦不得輒入焉然舉人食糧皆  
仰給內地土人常襁負至關前與為市畧中雖有砲臺  
不設戍兵夷自為守夷所恃者砲東曰大砲臺列砲二  
十六最大者一重萬斤少次者一重九千七百斤又次  
十五各重五千斤又次五各重四千七百斤最小者三  
各重四千五百斤西曰汪洋砲臺列砲十有一大者六  
各重五千斤次者二各重四千五百斤小者三各重三  
千八百斤賊在數十里外用遠鏡登臺觸之帆檣兵械

甲裝服色毫髮畢照舉砲一擊皆糜碎矣以此無敢近者自有海寇以來舉門無失事康熙八年議斥逐諸夷亦卒不果至今安居如故自舉而南海程十里為十字門山如兩眉橫列而闕其正中又南十里為小橫琴適當缺口又南稍西為大橫琴重案也自舉而西海程二十里為三竈島又西二十里為黃梁都自舉而東海程三十里為涌口又二十里為旗臺澳又有蕉門黃角潭州村諸島在舉之東北而沙尾北山在其北止隔一水諸島雖為省會之素砂而周羅環匝舉門獨居其中如蓮之有節亦一奇也是日又閱黃梁都穿虎穴夜行二

十里宿翠微村是虎特暴悍能登人屋極裂椽以入破  
椽以出居人皆以鐵檻為門闕嚴設警備猶惴惴不保  
云

丙申行五十里踰迳嶺甚峻千崖聳列中通一迳旋  
折如絲憑高下視山麓皆在雲中也午刻抵縣登舟邑  
諸生黃達卿來謁貽先集四種乃其祖少詹名佐者所  
著也佐博通羣籍又諳南越掌故膏為省志至今重之

元年畫界自古鎮歷觀音山

雞頭山赤企山疊石山  
竹仔林曲涌後岡大湖

洲山四沈埔鹿鳴山深灣村王母山小猴子山空隍  
山馬髯山風門劫石塘村茶頭岡穀園山涌角長沙  
涌界田心墟翠微村三窰背村北山前山寨白石山  
吉大村關開口南坑山濠潭村黃坑山金口山麻園

山神前嶺大沙岡後龍山東岸山鹽田村企石山下  
 田村龍穴頭村獅子村麻于村東州門獨子山潭州  
 山黃至小虎山為香山邊邊界以外黃梁都沙尾村  
 北山嶺旗臺澳橫琴山等諸海島皆移并續遷共豁  
 田地四千一十七頃有奇于前山諸汎因界設守展  
 界稍復今從香山營撥守深灣諸汎深灣把總一兵  
 十名白石汎五名石塘汎五名茅灣臺十名秋風埔  
 十名沙尾二十名平頂山十名角頭山十名浦口門  
 把總一兵四十名水洲山十名關關把總一兵  
 十一名北山嶺五名吉太臺十名雞拍臺十名  
 閱定

沈詠縣治記云香山環海孤嶼昔為東莞之一鎮宋  
 元豐建為縣繚以上垣號曰鐵城但設寨官即所謂

金斗鹽場也初治七星峯下元末遷于蓮華峯是為  
今治瀕海有挿芴山又名獺窟香山所在縣治

日南徼外占城以西諸國番人雜處粵省為日久矣  
省城懷聖寺番塔初自唐朝輪囷十六丈而宋余靖  
亦言粵臺之下胡賈雜居特不能定其來自何國今  
舉門諸夷自言大西洋人明萬厯間有利瑪竇者始  
入中國見舉門風氣苞固因請于彼國遣眾聚居為  
互市計其人巧思善製器亦能治麻士大夫亦樂與  
暹近相沿往來不絕初至時每歲納地稅五百金

本朝弘彙遠人之德謂國家富有四海何較太倉一粟特



與錫免夷亦感慕其所事之神曰天主高其觀堂備  
極華飾京省皆有之而在畧門者為尤盛也其像為  
女子抱一小兒被服珍怪障以琉璃望之如生女子  
曰天母名瑪利亞所抱兒曰天主名耶穌漢哀帝時人  
也其室之右有風琴臺懸銅弦琴時時自鳴又有鈺  
鼓管簾諸器藏機木櫃聯以絲繩輪牙紛錯互相擊  
撞旋轉既窮則諸音自作如出手口左為定時臺巨  
鐘覆其上飛仙立臺隅操推擬鐘亦以機轉之按時  
扣擊子一丑二以至亥刻十二擊無少爽前揭圓槩  
書十二辰日加某時則蟾蜍銜籌指其位主其教者

道士也無室家在奧者方姓諸編戶皆有室家婦女  
長裙絲履男子披髮戴番葉笠曳高履著淺碧繡帔  
挑布行纏其交市以夜婦女主之男子不出也故事  
彼國洋船到布政司驗票收入其物胡椒蘆木哆羅  
呢洋酒其來嘗以盛暑其去嘗以臘底因風便也其  
行賈之地曰大小西洋小西洋去中國萬里半年可  
至大西洋去中國九萬里三年始至禁海時番船暫  
阻畧人貧困康熙二十年貢一獅子求通商以濟遠  
旅許之由是番舶復通予至畧彼國使臣率其部人  
奏番樂以迎之其樂器有箏箏篋琵琶歌聲呶呶不可

辨使臣手握赤藤杖質如珊瑚光潤透明而柔韌可  
卷不知何物為彼國所甚重非王賜不敢握若符節  
然舉中握杖者四人而已已而迎者益衆競放鳥鎗  
其聲拉雜將至館兩臺砲聲大作山谷為動館予之  
室有三層作旋螺徑以入每進益高斷石為砌精工  
絕倫床几皆沈金地鋪鮮花蕊瓣厚數寸紅紫爛然  
侍童有黑白二種白者曰白鬼質如凝脂最雅靚惟  
羊目不詢與中國人異黑者曰黑鬼絕醜怪即所謂  
崑崙波斯之屬也白鬼為貴種大率皆子弟黑鬼種  
賤世僕隸耳其煎茶用玻璃甌承以瓷盤進果餌數

品皆西產也甘芬絕異有頃設食饌器止四而異香  
酷烈燔庖殊製鷄鳧之臠皆全體無骨又不見解剝  
之跡不知何以能然也方姓言魯中葬目三年一更  
皆奉彼國王命彼國王欽仰

聖朝亦遣使必戒以恭順守法尚逆背叛時索其兵器抗  
刃予尚逆無以難也予一宿而行將行作一詩慰勉  
之魯人出方物數種為獻有玻璃屏一鏤金錯鈿備  
極瑰異千里鏡一連簫四五注所窺之物而徐展之  
數十里外可矚毫末自鳴鐘二大者高六七寸小者  
半之畧倣定時臺之形扣擊亦同雙聯鳥鎗二長尺

有尺可藏袖中不施然線第用燧石嵌火門而挾以鐵機機動火發發必疊雙夜行用以警備人不能測予盡却之獨取其洋酒一筭其酒釀以葡萄色如琥珀亦貯玻璃甕內外澄澈十二甕共一筭也按岳倦翁珂程史載南海真商事云番禺獠海雜居其俗尚鬼如中國之佛而無像用金銀為巨措合鮭炙梁米為一沃以薇露散以冰腦羣聚食之其餉客則用酒饌燒羊皮作黃金色酒醢而甘與崖蜜無異居無漫匿有樓高百尺下瞰通流謁者登之以中金為板施機蔽其下奏廁鏗然有聲有池亭方廣數丈亦以中

金通甃凡用鏗鋌數萬中堂四柱皆沉香又有四柱  
欲壯于朝船司以其非常有恐後不繼不之許有宰  
者波高入雲表外圍而加以壘望之如銀筆梯級  
圍轉如旋螺每層啟一竇四五間船將至群獠臨竇  
啁哳號呼以祈南風亦輒有驗上施金雞用代相輪  
其制作瑰異飲食芬潔絕類今時是知前此來通中  
國固已有人矣又昌黎集有赤藤杖詩云世傳滇神  
出水獻赤龍拔鬚血淋漓又云羲和操火鞭暝到西  
極睡所遺與予所見亦相近但云出自滇南亦必產  
于絕域也存之俟考

萬曆二十六年呂宋市舶至魯魯人拒之不得入二十九年紅毛鬼國駕大舶至魯魯人又拒之番彝譯言但求通貢不敢為惡臺司怪其無表不納遂巡覓去歸途為滿刺加國遮殺殆盡今臺灣相傳為紅毛地云

唐始置市舶使以嶺南使臣兼領之設市區以居番

人番舶最大者為獨檣船能載一千婆蘭

蕃人謂二百斤為一

婆蘭開元中用蕃人言欲通獅子國監察御史楊範臣

以為市舶與賈商爭利非王者之體上引咎罷之元和貞元中番人數不靖討平之節度使王處休令市

舶之外一無所取嘗表奏曰海門之外隱若敵國資  
忠履信貽厥將來時稱得體宋開寶四年置市舶司  
于廣州熙寧中罷明杭二市舶司皆隸廣州大觀中  
復舊建炎元年禁買篤耨香瑪瑙猫兒眼諸無用物  
惟取象牙可充帶飾者乾道初置提舉官元罷之禁  
勿開明初復設凡東洋交市多用絲紵回易鶴頂等  
物西洋交市多用川廣貨回易胡椒等物沉香有黃  
沈烏角沉至貴有蠟沈惟奇南木乃沉之生結者犀  
角有烏犀花犀通天犀至貴有復通犀洪武二年初  
置市舶提舉司設署廣州城內一里即宋市舶亭海



山樓故址也永樂初遣內臣鎮守領市舶事尋于廣州覘子步叙室一百二十間以處番人隸提舉司正德中佛朗機國稱朝貢闖入東莞南頭樹柵以居砲聲轟烈震駭遠邇多為不法甚至掠十歲以下兒烹食之奸民因為誘敗每口得金錢五十枚有司廉得以聞發兵逐捕戮其渠魁亞三餘猶狡抗數用銃敗我軍或獻計募善泅者伏水鑿沈其船始敗遁去佛朗機砲自是始入中國是年有詔絕番舶而粵市蕭然無復舊觀兩廣巡撫林富奏曰按祖訓安南真臘占城蘇門答刺西洋爪哇彭亨白花三佛齊渤泥諸

國俱許朝貢佛朗機本不載祖訓布政司吳廷舉誤許其貢致有驚侮誠為失考成憲乃因此盡絕諸番船不幾因噎廢食乎以臣度之番船通時抽解可供御用存庫可佐軍餉小民持一錢之貨即得握椒展轉貿易可以自肥廣東舊稱富庶良以此耳因民所利而利之誠與尋常言利者不同至于內外之防但須嚴飭津戍有祖訓不載之國而妄冒貢舶者立驅出境自不敢意外之虞矣疏入報可于是番船復通國朝不設市舶提舉兼領于鹽課提舉司禁海并罷復通後令番舶駐前山寨陸運貨物至香山令番幕一員

監今遣部屬董其事

黃梁都長百里廣八十里周四百里由香山小河五十里至海崖渡海二十里抵島岸其村落有東澳村大乾霧村小乾霧村南山村南門村大赤坎村小赤坑村山蕉園油麻埔斗門村小濠涌村大港岐村三洲村芋葵村沙江村山底村大濠埔村荔支山泥灣村龍潭村南禪佛村溢涌村黃泥潭村黃揚山諸處黃揚山即鄧光薦家隱居地也光薦廬陵人至此遇寇妻子十二口俱焚死復走之烏巖山與文信國同舟偕和光薦有題崖石詩久之成東海集信國為

之序三洲山去烏巖二十里三峯並立海中亦名大  
圍山亦坎岡即在黃揚山之陽相傳為張世傑葬處  
詳辨于海陵島條中萬曆五年日本薩子馬島賊舟  
二十餘寇溫州府壞倭帥丹俄率四十餘人犯大鵬  
副使孫光祖參將胡震驛之九洲洋賊窘急登黃揚  
山官兵逐之殲焉

大橫琴長五十里廣三十里小橫琴長三十里廣二  
十餘里有橫琴村井澳井澳即宋史所稱端宗舟過  
此遇風幾敗者也傍有湖居里宋世沙涌人馬南竇  
居之端宗至獻粟千石召拜工部侍郎景炎二年十

一月以其家為行宮南寶極力營護既而帝之碇州  
尋崩遂殯南寶家後葬于崖山宋亡南寶悲不自勝  
作詩有目擊崖山天地改寸心難與夜潮消之句後  
訛傳帝昺在占城料眾往迎被執不屈死明黃瑜井  
澳詩云江南破白雁過更無一寸土可坐自閩入廣  
隨波流流氛暗天天亦愁黃蘆埋岸風颼颼上有深  
井澳下有仙女澳漁舟不到御舟到風吹御舟力排  
鼻嗟嗟悲哉誰與告江南破白雁過宋末童謠也  
三竈島長七十里廣五十里烏沙海灘其東林木葱  
蒨中有三石如竈故名其聚落有大索村春花園茅

田村魚弄村草塘村聖堂村上表村下表村斤竹園  
神前村銀坑村望下村占蒲村島中春花園諸處腴  
田三百頃宋時在黃字上下圍元時海寇劉進據之  
洪武初屬黃梁籍居民吳進添通番為亂二十六年  
都指揮花茂奏討平之遷其民除其稅虛其地七十  
人寺之正德中南海勢家借新會虛稅影占此土招  
畬蠻盜耕漸以成熟自是島民相與攘奪數更其主  
知縣鄧遷清丈人官收其租正倉備賑後因軍餉不  
敷變賣以充而田仍歸民矣其旁復有松拍峽白蕉  
山大托山蜘蛛洲坦洲諸小島

沙尾北山長一百里廣九十里

旗纛澳長九十里廣四十里

九洲洋九山星列在澳門東北雞拍村在其西高欄在縣西南海程一百十里長四十五里廣三十五里黃角在縣東北八十里屬虎門汎長一百二十里廣八十里

雞拍村隸恭常都有銀涌翁家世產銀屬廣州直隸場大觀中廣東廉訪使黃烈奏言礦內黃脉微甚而浮沈之人以納官為名發毀民田非法詔罷之嚴禁私開三百年無敢動正德中奸民捏旨採煎遂成礦

盜閭里為墟

象角頭海在伶仃洋西二十里西接鯨鯢北連大攬石岐海中有浮虛山與波上下在縣北七十里

三月丁酉朔行一百八十里泊順德

順德在香山之北少西亦四面通潮元年不遷三年續遷畧田地一千二百二十一頃有奇遷界村名不述今從

順德營撥守仰船岡諸汛仰船岡千總一兵三十五名馬壺汛千總一兵三十五名白藤二十七名橫流把總一兵三十五名大黃埔三十二名小黃埔三十二名龍灣遊擊一千總一兵一百七十名候閱定

順德縣本南海之東埔馬壺西林三都地正統十四



年鶴沖堡賊黃蕭養作亂討平之景泰三年折而置  
縣治太良堡

呂嘉拒漢築石甕金斗二城金斗即香山地順德城  
南七里有石涌村蓋越人謂甕曰涌也近縣諸村更  
有西涌涌口之名疑皆從此推

碧鑑海源出粵江其色澄碧可鑑人形縣北三十里  
曰三曹海又十里曰庚流海以水向庚流故名縣西  
二十里曰錦里海又八十里曰洪濛海皆小川也縣  
北四十五里曰疊石海在桂林堡東接新會西南七  
十里曰石頭海西通香山皆自北而南注于大海

仰船海在縣西南七十里

戊戌次廣州登粵王臺

庚子拜冬官命即驛庭望

辛丑謁南海神廟次于野

廣州有重海在南海番禺

三年番禺縣續遷田地六

南海縣亦有遷按吳越春

閩時已復不贅南武城其後楚滅越越王

人公師隅修吳故城居之

五八年楚子熊渠伐揚越

如尉佗有朝漢臺也其後越人為楚所逼竄走叢薄而裴淵廣州記云戰國楚相高固時有五羊萃于庭則遂為楚有矣秦以任嘉為南越尉立南海郡初居瀧口西岸俗名萬人城既乃入治番山隅因楚庭之舊又以舊有五羊術穀之祥增築南武城號五羊城尉佗代嘉益廣之故今又謂趙佗城漢武帝元鼎五年平南越號故城為越城建安末吳步騭為廣州刺史以越城就北乃康其北面番山為番禺城二十二年遷州治于此隋開皇十年折置南海縣治城北芝蘭湖今禺山即在城內東南隅迤邐而北即番山也

三山連屬如長城南漢劉龔以南城高隘始鑿于禺  
山益以之就番山積石為朝元洞復以沈香為臺觀  
于禺山上宋熙寧間經畧使程師孟增築西城嘉定  
三年經畧使陳峴復于城南築雁翅城以衛民居洪  
武十三年永嘉侯朱亮祖請連三城為一闕東北山  
麓以廣之周三千七百九十六丈而規模大備矣其  
城形如覆鐘北枕高山如鐘紐即粵王臺也登之可  
盡一城之勝東西南三面浚池長二千三百五十六  
丈獨缺北面宋世嘗于東西置堰潴水以限北城之  
址成化間巡撫陳濂議鑿北山溝過之慮傷龍脉不

果行郡城三面皆江南距大海東江在城東南二十  
五里自博羅西流西江在城西北五十里源自牂牁  
合灘江過肇慶而東北江即潯武二水過臨武合于  
西江三江並會于城南海中東海之潮由佛堂門入  
惠州界厯甲子虎頭以達東莞之斜西海南入大洋  
分其餘波注郡南今去城百里至古斗村浩淼無際  
即諸江會處也有石如珠屹立波心曰海珠石南漢  
剏慈慶寺于其上又東過瀝滘達于規江匯于南海  
廟前海隅出日水中見之有浴日亭是謂波羅江又  
合諸水入于南海

南海廟創自隋時唐天寶間始封廣利王元和十二年韓愈撰廣利王廟碑文廣州刺史孔戣立宋康定二年加號洪聖有玉簡玉硯象鞭石硯製作精巧又宋真宗賜玉帶及番國金書表龍牙火浣布各一藏于市舶庫至和元年加王冕九旒犀簪導青纁充耳青衣五章朱裳四章革帶鉤躡緋綬素帶大帶錦綬履鞬并出花釵九株桂櫛簪鎮署曰賜明順夫人元時賜銀盒金籓今俱不存配以六侯曰助利侯達奚司空也曰助威侯社公司空也曰濟應侯巡海曹將軍也曰順應巡海提點使曰輔靈侯王長世子也曰

贊寧侯王次子也。洪武三年，額封南海之神，盡除諸王侯封號。司屢著靈異，復賜金盒黃籙以答神貺。嘉靖初，按察副使徐文溥始撤夫人像，而鄉民猶崇信如故。云廟在城南八十里，本非海島，然陸行必踰斗嶺，仄徑不若一帆之便。而唐時刺史往往觀望，怖悸以疾為解，委其事于副。至以孔公親祀為僅事，是不可曉。廟廷有兩波羅樹為廟，與江所得名。其旁有扶胥鎮，即韓碑所謂扶胥之口，黃木之灣也。

浮邱山在城西四里，先在水中，若浮，四面篙痕宛然。宋初有陳崇執者，年百十二歲，自言兒時見山根，艤

船數千今去海已四五里番禺雜記浮邱山下有珊瑚井相傳海神嘗獻珊瑚于此又三里為荔枝灣舊圖經云廣四十里袤五十里劉鋹建昌華苑于其上又十里為花田彌望皆種素馨花香特酷烈彼中女人死葬于是至今花香特甚他處丹鉛錄載陸賈南中行紀云南中諸花惟素馨花香特酷烈彼中女子以綵絲穿花心繞髻為飾梁章隱冰素馨花詩云細花穿弱縷盤向綠雲鬟用陸語也花繞髻之飾至今猶然謂之花梳海目山在城西南一百四十里海中並列兩峯其形如月故名有芳秀臺迤石臺諸勝



暹羅貢使坤甸派拍紗來謁列貢船數以上具言船名  
烏頭夾板船正貢船長九丈九尺中廣二丈五尺三寸  
深一丈五尺四寸頭廣八尺尾廣一丈四尺桅名打馬  
樹大者長七丈五寸圍九尺次長五丈九尺五寸圍七  
尺象船長八丈二尺四寸中廣一丈八尺深一丈四尺  
頭闊四尺八寸尾闊一丈六尺長六丈六尺圍五尺五  
寸次桅長五丈三尺八寸圍四尺正船空時食水七尺  
裝載食水一丈一尺五寸象船空時食水五尺裝載食  
水一丈二寸以康熙二十二年五月初二日發本國正  
船于閏六月二十日抵虎門象船于六月初十日自廣

南外邇失風漂至廈門九月二十一日始至虎門

按暹羅國故為暹國及羅斛二國地在占城極南隋大業間乜田未事常駿至其地有地名吉赤土遂訛傳為赤眉遺種元至正間暹降于羅斛始合為一國明洪武初國王參烈昭昆牙遣使入貢永樂間與其旁國滿剌加相仇殺成祖詔諭王曰比者滿剌加國王亦思罕答兒沙嗣立能繼乃父之志躬率妻子詣闕朝貢其事大之誠與王無異然聞王欲加之兵夫兵者凶器好兵非仁者之心况滿剌加既已內屬即為朝廷之臣不先申愬而輒加之兵是不有朝廷矣

王宜深思輯睦鄰國並受其福豈有窮哉暹羅王得  
詔悔禍息兵終明之世朝貢不絕在

國朝尤為恭順康熙二年六年十年皆常入貢其貢品以  
龍涎香為上在彼國每兩直金錢十二枚每貢不過  
一斤又有金銀香樹膠香羅斛香碗石犀角象牙翠  
毛龜筒六足龜殼絹布紅撒哈刺布紅地紋節智布  
人象花紋布作蓮花布葱白暗花布之屬龍涎香出  
蘇門答刺國有龍涎嶼獨峙南巫里洋每至春間羣  
龍交戲遺涎石上國人駕獨木槎取之遇風則下海  
一手攀槎一手撈水以至岸其涎初若脂膠黑黃色

久乃凝結或從魚腹割得之有大如斗者遊宦紀聞  
云海傍人伺草上有雲即知有龍睡守之至散即知  
龍去矣得其真者扣香焚之翠烟浮空結而不散有  
三種一曰汎水輕浮水面善泅者掠取之一曰滲沙  
雜和沙中一曰魚食則從魚糞得之是又謂隨處可  
得不必蘇門之喚也嘗聞雜華疏鈔及西域記西土  
諸香有旃檀薰陸兜樓婆畢力迦之屬以牛頭為第  
一此香因龍鬪而生蓋梵語謂交合為鬪今黎人猶  
呼雌雄兩雞為一鬪也龍涎當即龍涎身嘉靖三十  
四年司禮監奉中旨訪買龍涎香為佛壇之用每斤

給價一千二百兩偏購之番舶僅得十一兩益以廣  
獄死囚馬那別所獻及密地山夷所採始滿一斤官  
司按驗其中有褐黑色者有褐白色者多用價物撓  
和其難得如此南宋人多作詞咏之王沂孫云孤嶠  
蟠烟層濤蛻月驪宮夜採鉛水李彭老云波浮海沫  
誰喚覺鮫人春睡呂同老云剪碎腥雲并勻枯沫皆  
善寫實事唐藝孫云海蜃樓高仙娥鈿小縹緲結成  
心字則又言烟縷之異要之珍實非一世矣自蘇門  
答刺順風十二晝夜至錫蘭山國隋常駿至林邑極  
西望見焉番語謂高山為錫蘭因名有羣蓋嶼在龍

涎嶼之西北相傳釋迦嘗來佛迹猶存永樂七年太  
監鄭和至其地王不恭和潛師襲破其國擄其王以  
歸至京師赦之遣還更擇國中賢者為王錫蘭之南  
界為別羅里自別羅里西南行七晝夜為溜山洋國  
又十晝夜為古里國又二十晝夜為卜刺哇國與柯  
枝小葛蘭接自小葛蘭二十晝夜為水骨都末國自  
古里行十晝夜至忽魯謨斯國又二十晝夜至刺撒  
國又二十晝夜至河丹國又自忽魯謨斯行四十晝  
夜至天方國西洋盡處矣永樂間所見西南諸國如  
此

壬寅行百里止東莞

癸卯行三十里至石角舍巨艦易邏海小鯨出海口行  
二十七里至鎮口又十里至虎門寨登最高山巔望大  
虎小虎山三門鎮雷砲臺及南沙海南柵寧洲等島次  
皆可盡三門在寨南二里又南五里為寧州島南山砲  
臺在寨西七里又一里為橫雷臺又西二里為南沙又  
西十里為蕉門又西二里為黃角左汛又西五里為黃  
角右汛香山所轄也南柵鄉在寨東僅隔一水又東五  
里為上角村又東三十里為碧頭鄉而茅洲墟鹽場在  
寨之東南四十里皆接新安境是日仍返東莞

元年畫界自小虎山厯大虎山虎門寨等境缺口鎮  
白沙大山至三角山為東莞邊邊界以外距海三十  
大嶺山至三角山五里者新村柏樹矮岡三十里者白泥坑心田寨龍  
眼北柵圍大窰墟溪岡大坑鍾屋地羊灣尾懷德長  
坑獨樹二十八里者河潭岡二十六里者田尾二十  
五里者鍾屋圍橫樹頭二十二里者大窰西坑二十  
里者社岡增田十五里者宮涌新地十里者墜尾濶  
澳餘九里至一二里江門等石岐村竹洲金洲角嘴  
角白石凹白石下路沙頭烏沙白石沙及海島窰洲  
上沙大井上僅咸西蕭邊涌頭田寨  
海南柵俱移并贖遷共畧田地八百三十六頃有奇



于虎門諸汎因界設守展界稍復今從虎門營撥守

石子頭汎 石子頭把總一兵一百七名麻涌口把總

七十名鎮口把總一兵九十七名到盪四十大涌口

南山臺把總一兵三十一名橫當臺把總一兵一百

名黃角把總一兵七十名 候閣定

晉咸和元年置東官郡領九縣首寶安即治所也在

今縣南二百里隋開皇間廢為縣唐至德二年改名

東莞移治倒埔即今縣治也其實安舊基洪武二十

七年改為東莞所命千戶洪皓開築城五百五十二

大萬厓初所城稍擴之置縣治名新安沿寶安之名也其地土名石子岡亦名為城子岡以平曠如城故

其傍有石鼓紋如龍鱗鳴則兵起盧循入寇時嘗有  
聲今戍地有石子頭倒埝皆相近地荒草名如蘭可  
以編席

大嶺山在縣西南二十里奇特聳峭下視羣山如蟻  
垤瀑布水出其陽紫霞泉出其陰相傳宋世有道人  
崔昶號紫霞君遊羅浮至此鑿井得泉云

三門海在縣西南六十里因海中有大小虎山分水  
為三故名潮水至此分為三派已復令而為一名大  
步海珠生其中曰媚珠池

虎頭門寨海島也縱十二里橫五里周十二里宋景

炎二年張世傑奉帝舟次于秀山即此又西南八十里大海中有梅蔚山景炎二年正月帝舟次于梅蔚即此按是年二月帝舟移古塔十二月自秀山移并澳又次謝女峽劉深追之七星洋并澳在橫琴島壽海圖編有仙女峽九星洋在零丁洋西三角山一名蓮花峯九峰峻聳狀如蓮花上有池池中石與礪房相融結蓋湧于海也

武山在大海中潮汐消長于此可辨宋余襄公靖紀行云凡月加午位而潮平者朔在日中上弦在日入望在夜半上弦前為晝潮以後為夜潮凡月加子位

而潮平者望在日中下弦在日出朔在夜半下弦前  
為夜潮以後為晝潮此南海之潮候也按潮汐天地  
之呼吸也當其日中而平也日出初生為吸之始日  
入消盡為呼之終當其夜半而平也日入始生為吸  
之始日出消盡為呼之終消生循環呼吸互根一日  
兩巡此南海之潮候也然亦有不同者雷州人言調  
黎之水一日一朝那黃之水一日兩潮至域外尤多  
異候占城外羅厓大佛靈至崑崙山有七嶼七港號  
為七門自朔至望潮水自東旋西既望至晦潮水自  
西旋東真蠟之潮自官船口注大埔朔望并潮一上

七日水長丈六七七日後日夜分為兩潮水長一二尺自又不可解明世于此設武山陸營與虎門水寨相應天啟三年總督王尊德築城為駐兵之所今不復設

缺口鎮白沙村皆巡檢司麻涌村一名中堡舊設中堂巡檢司

海南柵縱橫各八里周三十五里有南柵鄉南柵村西涌村留亭步溪泥口板頭村冬瓜灣村涌口村南岸村新村南涌口村溪頭村對面岡永原村西安村東北村

寧洲鄉縱六里橫三里周二十里有東村西村溪螺  
後村坑塘村崩沙村

南沙縱十五里橫十里周六十里

村名疑混  
入海南柵

甲辰復易舟行二十里次板土港

張正郎分闕新安新安城南水程二十里至伶仃山山

外即伶仃洋縣東一百六十里為大鵬所其南面有七

娘山山外有老大鵬即濱大海所城東南有海口大船

可入其東北過西鄉嶺小貴嶺復有港口僅通小舟大

吳山海島在邑南水程九十里志稱二百里佛堂門海島在

邑東南水程一百五十里

志稱二百里

元年畫界自三角山歷馬鞍山等境源泉山河水口香榭園用家山

田心園涼水井羊蹄山更鼓山北竈山園村上村新安

安縣崇鎮鋪照穴岩白石山漢塘山龍灣山謀嶺村

新英村赤尾村塘尾園隔塘園箱口山平拳山下後梧

桐山黎棚村梧桐山鹽田村梅沙山溪涌山下洞山

湧浪山梅子林田頭至大鵬所為新安邊邊界以外

山迳口山窠凹嶺距海二十五里洪田二十里嶺下鮎魚溪螺湖玉勒

上寮白沙燕村十五里粉壁嶺龍躍頭穀豐嶺石岡

田寮白水鄧家朗十三里黎峒十二里上水十里半

天雲小坑上下七門漢唐高甫錦田豐園崩河媽田

平山園山下村大井田心網井石祖廟新橋丙岡及

附海六七里至一二里河上鄉等

張屋村雞雉上下步赤尾隔田新英

村江下穀田龍塘東山流塘埔心臣田北竈山猪四  
 西鄉鰲灣岡成太坑村龍騎大對山橫岡大嶺下碧  
 州屯村花山犬眠地寫數南蛇牛欄山西貢西洋尾  
 王母澗沙岡下沙歐陽水背疊福闕湖溪涌奇埔上  
 下埔梅大灣鹽田麻雀嶺大少頭涯涌錠角村大梨  
 園牛騎龍蛟塘大浪馬鞍山壕涌天妃廟舊官富司  
 衙前九龍古堦淺灣黃泥舖橫洲沙岡下村竹園官  
 埔米步飯籬洲新田洲頭勒馬洲蛟洲白岡橋頭小  
 橫岡石下新竈沙頭沙尾西涌榕樹角白石山木鈴  
 岡石園塘黃田茭塘福永司竈下嘴頭角歸德塲白  
 頭岡大步涌漁渦大田茅州山茅州墟東煮鋪潭頭  
 港口上下山門上頭田莆尾黃松岡溪頭沙浦劉岡  
 涌頭塘岡暨佛堂門大奚山鷺公澳榕樹澳白沙澳  
 山碧頭村  
 雞栖澳南頭香港塘福梅窩石壁螺杯澳大澳沙螺  
 灣諸海島皆移并續遷共豁田地一千三百五十九  
 頃有奇于大鵬所置重兵又因界設守展界猶復今



從新安營揆守碧頭諸汛

碧頭臺千總一兵四十五名佛子口把總一兵五十

九名南山臺千總一兵六十

口候關定

九龍臺把總一兵七十三名

佛堂門海中孤嶼也周圍百餘里潮自東洋大海溢而西行至獨鰲洋左入佛堂門右入急水門二門皆

而山夾峙而右水尤駛番船得入左門者為已去危

而即安故有佛堂之名自急水角運官富場又西南

二百里曰合連海蓋合深澳桑洲零丁諸處之潮而

會合于此故名又西南五十里即虎頭門矣其地又

有龍穴洲嘗有龍出沒其間故名每春波晴霽蜃氣

現為樓臺城郭人物車馬之形上有三山石穴流泉

商舶回國者必就汲于此又有合蘭洲與龍穴對峙  
上多蘭草故名潮至此始合零丁洋即文信國賦詩  
處泉州之旁又有大王洲馬鞍洲陳建詩云瀾漫合  
蘭海南與滄溟通蜃氣起鮫室珠光出龍宮

大奚山在合連海中俗曰大姨又有小姨山與俱峙  
中環三十六嶼周圍三百餘里居民以魚鹽為生宋  
史慶元三年提舉鹽茶徐安國以捕私鹽致亂知廣  
州錢之望遣兵擊賊殲之遂墟其地後有萬姓者據  
之呼為老萬山籌海圖編載其名明祁順有大奚山  
詩滄海波濤潤美山島嶼多空中排玉筍鏡面點青

螺洞古雲迷路巖深鳥占窩昔人屯戍處遺跡徧烟  
蘿

南頭戍地古在屯門鎮曹能始名勝志載紀事云東  
莞南頭城古之屯門鎮韓愈南遷詩云乘潮披扶胥  
近岸指一髮屯門雖云高亦應波浪沒即此也今志  
城池條不復載籌海重編圖載屯門澳在海中屯門  
山今名杯渡山上有滴水岩虎跑井神僧傳云杯渡  
禪師不知姓名嘗乘木杯渡海因以為號禪師入粵  
後又嘗至建業宿齊諧家宋元嘉三年九月死葬覆  
舟山至五年三月復詣諧所衆皆驚異尋復辭去云

當詣文廣間云明嘉靖四十五年議設參將一員駐  
劄南頭兼理惠潮萬厓四年題定止防廣州統兵二  
千餘艘艦八十艘常駐新安遇汛出海東自巽寮港  
接碣石汛地西歷大鵬佛堂橫琴三竈至三角洲與  
廣海汛地相接廣海虎頭兩汛皆屬其節制又設中  
權二部水軍隸廣帥下駐三門與相策應議者曰日  
本諸島入寇多自閩趨廣柘林為第一關宜會兵以  
扼之過此必越七門雞栖佛堂門冷水角老萬山虎  
頭門諸處而南頭為尤甚東莞有備則不得泊矣又  
西必歷峽門望門大小橫琴零丁洋仙女澳三竈山

九星洋諸處而浪白嶼為尤甚東莞有備則不得泊  
矣又西必厯崖門寨門海萬斛山碇洲諸處而望峒  
澳為尤甚廣海有備則不得泊矣此昔日備倭之說  
也

國朝厚集防兵于碣石虎門而南頭不復置戍焉

大鵬所城四面皆山洪武二十七年千戶張斌築周  
三百二十五丈雉堞一千一百門三康熙十六年八  
月颶風城樓雉堞皆頽知縣李可成修復自新安至  
大鵬沿海皆鹽田西鄉混洲屯門為尤多  
梧桐山在邑東四十里多梧桐異卉

龍躍嶺在邑東南五十里

粵閩巡視紀畧卷二

水國巡視紀畧卷二